

曲園叢書

14
484
58





484  
58



漢書陳遵傳稱遵性善書與人尺牘主皆藏去以爲榮  
可知古人於友朋筆札遇佳者亦甚寶貴非概拉襍摧  
燒之焚如棄如也余自通籍後與海內賢士大夫縞紵  
往來執訊之書深藏篋笥戢戢如束筥庚辛之亂付之  
劫灰意甚惜焉中興以來承諸師友不棄哀庸時時存  
問又積成一巨冊或情意殷拳或議論剴切卽單詞片  
語亦往往有言外之意尋味無窮杜少陵不云乎來書  
語絕妙遠客驚深眷若任其散佚供鼠蠹之一飽非所  
以酬嘉藻重芳訊也於是手錄如干首以所得先後編  
次或一人而數書則并錄之寫定後釐爲二卷取古詩



書  
晉書懷袖中三歲字不滅之義題曰袖中書俞樾記

袖中書一

德清俞樾編

許慎生尚書書

吳祭酒句云不好詣人貪客過慣遲作答愛書來殆爲  
老癩寫照閣下旋津門後兩賜手書深知先生拳拳之  
愛不棄昏髦而因循怠玩亦不自解其何故也大著付  
梓先睹爲快聚珍版曾見於厥肆之文貴堂係鐵冶亭  
尚書家所藏時以價昂不能購後爲鮑小山觀察桂生  
買去此君已赴貴州無由轉借爲可惜耳高辛翁乃僕  
五十載老同年一生清宦長物無多尙有此厄亦天道  
之不能以理測者春寒尙勁小園花信遲遲餘俟續布



不具

祁春圃相國書

自乙卯秋台旆出都雋以養疾城南札翰久廢貴鄉兵燹後未知僑寓何方每深馳念頃承手翰始悉比年津門客授著述等身欽慰兼至示讀羣經平議弟十四卷專論考工記世室重屋明堂制度根柢淵深詞義簡要紬繹旬月頓豁鄙懷歷代明堂之制見於秦氏五禮通考其中辨正舊注者不爲無功要亦互有出入未足以難鄭也陳氏五經異義疏證采輯近儒新說又案而不斷鮮所折衷至五帝之說莫詳於家語馬氏林氏皆祖

其說無事深辨大著据隋宇文愷傳訂正考工一字之衍遂使記文八十一字略無齟齬且于鄭注之訛逐層駁正并附以圖三代世室重屋明堂相因之制燦然在目而秦漢以來規模亦略具於斯此誠覃思精義有功於經傳者也此外經議各種如有定本并望寄觀以祛區晉至若賓萌高義必不以窮愁累虞卿非窮愁亦不能著書以自見於後世也雋縣車八載蒙 召出山衰病之軀慙無報稱去夏以眩疾再告開缺 聖恩高厚留直 內廷在假經年益增媿悚平生讀書旣乏深湛之思中年從事簿書究心鮮暇垂老精力更復不支足



下學裕才優名山著述正未可量承示已未年曾惠寄  
詩藁一部竟未收讀不知何處浮沈仍望寄讀爲幸考  
工記平議亦乞再寄一本緣敝門下閭夢巖農部深佩  
此書屬爲代懇閻君亦老于經學者也手肅奉復惟鑒  
察不盡

其二

往年再荷惠書備紉垂注自秋徂冬老疾頻作肅復久  
稽尙希原恕比維道履宜福餐衛增緩河汾授經士仰  
模楷元亭問字功在典墳爲左右慰尤爲津門人士慶  
也承惠大著二冊謹已拜登其一卽致夢巖農部均深

感佩法書導源籀頡古香溢於豪素頃已裝褫成軸用  
光齋壁以誌欽遲來函云云何太謙也雋自客秋以宿  
疾難已三疏顛嗽幸蒙 聖慈俞允得請以來益慙  
衰朽一卷一鐙生平結習仍不免藉以自娛而疾疢之  
餘精力日減思欲扶輪大雅瞠乎後矣良用愧歎茲因  
人便手此布謝并埶呈安丘王氏棻友所著說文釋例  
二十卷說文句讀三十卷寄請鑒定春寒伏惟道體加  
攝不盡欲言

查辛香布衣書

不通音驛爐箆又更每憶清暉時深馳系比惟名山之



業日富月增惜遠隔數百里未及造子雲之亭發秘笈  
以飽饑眼儉腹也冬榮年近桑榆益形枯寂爾來子墨  
亦尠兼之晨星碩果遂漸凋零時世梳妝判然冰炭焉  
敢與三五少年爭塗抹哉去秋承居停慫恿已將拙稿  
付梓春鳥秋蟲自鳴其志非欲炫耀以市虛名也茲寄  
呈一部幸鉅手繩而削之則感同桃花千尺矣聞津門  
近修邑乘想物望所歸必待龍門秉筆雲巢沈丈以敬  
止述聞一冊屬爲轉致其中或有可采擇之處是在藻  
鑒耳恩恩奉布并附寄懷二律又室人分繡聯吟圖求  
像筆賜題朱夏正長惟爲道自重不錫

李少荃伯相書

川原修阻戎馬間關頻年占望德星未知分野以致魚  
鱗六六莫附江波頃因華伯同年道逢鄙意遽蒙雅意  
先施獎借溢辭讀之顏汗就審移家北上小住津沽見  
江湖魏闕之思居鄰日下合文苑儒林爲一名滿  
人間養望夔龍折中夷惠風塵仰企霄壤斯分弟從事  
行閒昕夕鞅掌所幸春夏之交婁江王峯相繼告克前  
軍已薄蘇而壘復令三舍弟旁規江錫以斷賊援惟珂  
鄉白浙以西未爲我有浦東錯壤後顧堪虞深入吳門  
殊難操券張融岸上舊有扁舟越鳥思南恐遲歸駕未



知能副來書期許之盛而免爲浮游文學所笑否也

其二

手教遠頒並承惠篆書聯幅伸紙發函古香四溢几席  
晤對如親笑言珍逾百朋感謝靡已卽審覃思闡學遂  
有成書希蹤古人嘉惠來者嗇彼豐此百城之擁奚羨  
萬戶之封也津門旅食非易近況時以爲懷昨致蔭渠  
制軍請以皋比延奉北方學者知當景仰風徽弟異數  
忝膺賞隆功薄循省遭際隕越爲虞重以獎言彌增愧

陳

其三

溽暑逼人兼多雨濕敬惟著述之餘善自保衛江天東  
望延想爲勞承示羣經平議付梓將成復有諸子平議  
之作不朽盛業深以先覩爲快 本朝樸學蔚起遠繼  
漢唐近數十年先哲徂謝復經離亂才者習縱橫弱者  
趨骹骹好學深思之詣遂爾哀息不有君子曷振刷之  
以此啟闢人文非獨吳人士之幸也此閒諸尙靜謐捨  
蹤盡入豫疆仍慮回撲皖境官軍分道追勦亦復疲於  
奔命至彼族恣睢時有過請處以鎮定聊守目前制馭  
之方未有善策大著古風二首老重之筆緯以宏議並  
軌韓蘇車戰制騎孫高陽之百八叩實已盡之至以水



制火尤爲奇思快論得未曾有諷誦之餘景佩無似  
其四 未嘗善策大善古風二首李重公筆錄以忠補師  
營門漏靜遠道書來古色古香益然滿幅譽則太過感  
且弗諼卽承枕莊簡編跌蕩煙水著鸞虎之論斯世奉  
若指南抒雕龍之辭諸儒爲之折北每當鴛波霜滅虎  
阜鐘闌揖長松爲故人對晚菊而獨笑名山事業物外  
神仙塵鞅中人能無豔妒弟忝操械柄絺裘游更幸賴  
河伯効靈將士勦力猗猗之跡芟薙遂空而鴻雁之啓  
還集未定方滋媿軫驟拜參知曾靡可當之勞輒受使  
相之賞中夜循省惕然以驚重念久勞於外芸香舊署

渺若星河昨以告捷還 朝於 召對後三日上任恰  
符唐人故事花甌日影不隔前塵蓬液露談或謂奇遇  
憶在金陵舟次曾勞屬望眷懷昔款彌悞塵顏凱旋之  
師仍督南下朔風滿帆篙槳迅便一江帶繞幸辭鞍馬  
之勞兩地雲停彌切汀鷗之夢

其五

軍書蠶午音問久疏頃奉朶雲如親風采詰經精舍近  
在珂鄉據湖山之勝概爲風月之主盟視紫陽一席更  
與雅人相稱浙中書局見刻何書兵燹之餘遺編灰燼  
耆宿凋零天假閣下以寬閑歲月杜門卻掃譔著等身



將欲爲東南文學之傳延茲一脈不朽盛事端在於斯  
弟忝竊兵符抗塵走俗去歲東捻肅清私幸大功告蕝  
長揖歸田乃張逆勢復披猖擾及近畿曩奉 嚴旨催  
令赴援重整旌旂誓師入衛援軍旣集賊復折而南趨  
三月下旬渡運河東竄弟因進扼德州力主防守運河  
之議幸布置稍就賊勢漸窮但能不出重圍當不慮其  
漏網矣

其六

昨承手答古芬溢流遙惟起居定增佳勝朔方氣候固  
殊旱澇頓異霑雨彌月輒成巨災倚樹而巢操舟而屋

黔首蕩析惻然疚心發棠有請移粟有請終恐小惠未  
由徧及新城之議但欲自固積潦未退輒又停杵方今  
財力殆非盛唐區區愚智彌愧前哲

其七

昨辱手教寵錫序文陳義獨高寓規於頌出入展玩無  
任主臣日月不居山川悠遠契闊千里經營四方五十  
之年忽焉已至退惟恆言無稱之義違敢言壽海內知  
交謬相推許重以揄揚百幅琳琅對之增愧執事援引  
古誼陳說宗風相期過深相愛甚摯昔西平以中興佐  
爲社稷臣勳業之隆今古無匹若夫竭忠事主見義勇



爲孚誠信於上下之交定中外於危疑之會積善而有  
慶成功而不居斯固前代之良規非薄植所敢望也伯  
玉以五十而知四十九年之非温公歷九十而檢三百  
六日之事進德無量來日方長勉佩韋弦期副朝策  
吳和甫侍郎書

別來而月伏惟動靜萬福存義於甯波試諸生經解定  
海廩生黃以周說經具有家法解堂脩二七引隋書宇  
文愷傳爲證詢其所受則得諸先德薇香先生明堂步  
筵說因求先生遺書有易釋尚書啟矇詩序通說傳箋  
通考春秋釋周季編略炳燭錄鄭君粹言朱呂問答儆

居文集俱未刊刻惟論語後案二十卷嘗以聚珍版印  
行明堂步筵說卽儆居文集中之一篇謹鈔錄寄呈可  
增大著羣經平議卷十四後否薇香先生敦行績學以  
歲貢生終家貧力不能刊所著書浙江誥經精舍鞠爲  
茂草自儀徵相國後更無有似學海堂刻書者聞李少  
荃宮保以千金重刊段氏說文若更以千金擇薇香先  
生所著說經之書爲召手民校刻以勸實學則儀徵相  
國有替人矣望閣下晤時道及之

劉笏堂太守書

槐火方新芝函遠逮潘詞樂旨忍俊不禁花閒循誦如



食防風粥口香三日也。比諗道履愉適，箸述邁恒石室。名山後有千古私心嚮往，豈惟執鞭承示羣經平議。璆自惟治經無素，不能與校讎之役。如載鼙以車馬，亨鷄以鼓鐘，欽其實莫名其器。惟有咄咄而已，略展一過。卽送至伯平先生處，校訖卽可付梓。薊泉方伯雖有粵東之行，刻貲既集，璆自當身任其事，毋勞雅注拳拳也。

其二

久不上記政劇，傾仰伏辱手教，并讀新詩展誦再三。不勝忻懌，以尤甚。未卽拜答，必蒙見恕。秋色日深，想身閑心安，尊幼和輯，世閒之樂，詎有過於此者。如閣下淳蓄

之厚，綜練之精，培元氣而扶正論，必將本末具舉，願益勉之以答海內之望。羣經平議，請高伯平先生校刻，洋泉一千交丁松生兄經理，大約九十月可告成矣。鏤版未竣而乞書者眾，真吾道之幸也。弟六月中交卸杭篆，七月初奉命補授嚴州視事之初，山農野老報荒告旱者，沓至紛來，地方凋殘之後，益以旱魃爲虐，弟囿於才力局於識見，負重之譏，竊所不免。望不惜語言痛加砭治也。

其三

前田郭中丞處遞到兩次手書，敬悉枕蓆納福承示樣



本尚佳竟照此刊刻不更覓寫手矣蔣中丞到任後尚無書來粵垣講席亮必有以位置惟瀛眷分寄南北亦殊不便海角棲遲不能無庾信小園之感也弟少日未嘗學問一行作吏簿書迷悶俗塵萬斛雅好八法而運腕未靈步趨涪翁尙不能有虎賁中郎之似詩不常作然見獵心喜意趣灑然么絃不張遂爾輟響倘買山有資遂余初服讀書養性娛志林園其恬適當何如而浮沈宦海塵土衣纓撫念平生能無悵悒以視先生超然物表爲之執鞭所欣慕矣

孫琴西觀察書

昨寄一函并子高信件想均收到平議已瀏覽大略真近來閱製有此書數十卷不復知有干戶侯矣子高何時移館金陵凌少南同年不可不見如他往先投書可也縵雲亦不可不見見縵老則彼中友可見與不必見者皆瞭然矣子高極推重永嘉學人大可感衣言欲略考永嘉學派苦於儉陋幸屬子高爲一蒐討晚宋元明以來有非永嘉人而私淑鄭陳蔡薛者尤可貴也

其二

昨補老交來榜後一書多承注飾感愧何似衣言在此爲八股所困兼以兵火之後都人士能以文字應人之



求者亦殊寥寥遂致雅俗筆墨四面紛來真有心手交  
瘁之苦視老弟之猶可拚命著書者勞逸不可以道里  
計矣頗欲捨去然投袂而起則又須看孔方兄鼻息且  
重踏軟紅亦意味索然故止可依違此閒明年老弟又  
來說經吾輩頓覺氣旺獨恨補老升官太速少一東道  
佳主人耳小兒倖得一科北行亦費躊躇言日內卽須  
還里一看如小兒定欲赴試不免送之至吳也樞元開  
府黔中諺所謂老實人有老實菩薩管乎然黔事自此  
當有起色其官聲則黔人無不極口稱之也

其三

了高自吳門來攜至尊函深以道體和鬯爲慰相違千  
里動逾半載始通一書人事冗雜殊可歎也山林心性  
本不宐於羈絡代庖數月朱墨紛陳胸中往往作惡每  
思覓一書院以行而未免近於兒戲又眷屬皆已就食  
來江不得不爲浮沈餽口之計每念玉堂天上不能勾  
片席之地容吾輩讀書又不如宋儒之可以投老乞祠  
此種心緒想大賢有同情也慰農時時相見少仲甫來  
又將賣鹽荷葉洲以去真覺寂寂寡懽幸少厓卽日可  
到交卸後稍可讀書然總不如在杭時之超然物外也  
譚仲修孝廉書



四月一械附子高函中衣帶一水竟付殷羨殆所書子  
高厲處有誤邪吳中裙屐之士得先生道以樸學興起  
當不少獻竊惟百年經師於微言大義推究精塙尙未  
有折衷經訓發揮世用如古昔公羊治獄三百風諫者  
先生亦有意以此詔來者乎子高言柳先生穀梁老師  
靈光歸然穀梁與公羊同出不無疏密大小之殊斷非  
左氏不傳春秋者比柳氏書果能不讓孔劉否獻索居  
亡師友而人事又奪其日力往年所治董子頃取眎之  
學非子政徒增謗耳乃拉襍摧燒之 國朝治周官者  
未有成書近稍究心苦先鄭之說太少難可推尋望洋

輒止先生不棄何以教之

其二

夏秋以來從事帖括沈霾故楮致曠音敬罪甚猶於其  
閒卒業羣經平議湛思獨照直與述聞之書並垂千古  
伏承大雅振興東南景慶之瑞疇復倫比親炙如獻若  
何慰幸昨奉中丞傳知明歲壇席湖堧接武伯淵一時  
承學之士踊躍願見儲羔牧鴈以冀清光獻擬謝計偕  
長侍講幄但恐爲人事所奪耳黃君元同引領提唱其  
書想存篋衍從者至杭元同當面請教言也

黃元同孝廉書



周前謁吳和甫師論及大著羣經平議一書說最精塙周以未讀爲憾購求於譚君仲修且奉拙作數種求正左右今讀來書不弃樛櫟幸甚媿甚周質鈍學淺一無所底奉承庭訓竊知漢宋學門戶年二十餘好讀易病先儒注說於卦畫象爻下自騁私說揆諸聖傳往往不合于是有十翼後錄之作嗣後喜觀宋儒書又病其離經談道多無當於聖學甚且自知已說之不合於經遂敢隱陋孔聖顯斥孟子心竊鄙之于是有經義通詁之作三十歲以後又好讀禮苦難記憶乃分五禮類考之會粹舊說斷以己意譏古禮說未竟以兵燹輟業旋以

先人棄養讀禮苦次于小祥後撰凶禮說合訂之名曰經禮通詁又編舊作禘著文說之無裨經史者刪之非我心得者黜之約存若干篇名曰儆季禘著周禱昧不才妄有譏述懼見怪於當世輒藏弃之不示人今年四十矣恐以痼蔽終身無發矇日幸遇有道敢不就正所呈經禮通詁兩冊覬求指示紕繆俾得改正果蒙惠教周將執弟子禮奉全書以拜門下

曾樞元撫部書

別來十餘稔矣光陰倏忽時事變遷與夫宦海浮沈行蹤漂泊一追憶閒忽忽如有失不能置之於懷璧與閣



下丁酉發科後甲辰庚戌鄉會又同並同入詞垣同居  
史館厲齋不遠朝夕來往最密最親嗣後閣下發軔星  
輶實爲同譜光寵乃無端被議歸去江南壁亦自傑直  
三天出守鎮遠東西相遠不啻萬里而又寇盜縱橫烽  
煙滿目不特參商難遇卽魚雁亦無由通然鹿鳴野草  
之思未嘗一日去念也得王補帆廉訪同年自浙來書  
欣悉閣下僑寓姑蘇主講紫陽書院以人文淵藪之地  
得金門著作之才爲之上下古今博求經濟獨善兼善  
又何分於出處乎然王通教授何如謝安強起一慰蒼  
生之望也璧自己未出都遠赴黔南至則井里爲墟于

戈滿地竊不自揣欲以一寸之膠稍理河濁而卒無一  
豪補救請去不許且擢監司攝東巡署糧署臬近更庖  
代藩垣政煩賦重當此哀鴻遍野何忍再肆誅求不職  
之愆明知難免方擬自行投効適前來星使卽是替人  
偏又遲遲其行久駐邊境急切之下不知作何支柱也  
功名不建老態日增望遠慮懷亟尋耕釣手此代面卽  
詢近履不一

鍾子勤孝廉書

辱書以諸子平議已刻者九卷見賜爲之狂喜墨子經  
篇知材也知接也二知字異讀韓子難篇蹇叔處干干



卽吳吳卽虞此類頗與鄆意合管子戒篇東郭有狗嗥  
嗥旦暮欲齧我猥疑猥當作猥此篇東郭北郭西郭三  
處同文皆以猥爲國家之隱義說文家字本從猥省聲  
段氏疑之非也二字音同故言猥則知爲家猥與嗥韵  
似當讀猥字絕句狗齧猥猶云豕鬥虎矣尹注謂以木  
連狗當是讀猥爲枷宋本注作枷不誤要非管子本義  
若依注字改正文以爲迦之假字似頗迂曲偶有所見  
因附論之未必是也大箸稽合同異精確者居多倉卒  
尙未細讀其未刻之二十六卷何時可就未免得隴望  
蜀矣前所惠羣經平議已讀數過獲益無量竊念群經

諸子郢書而燕說者甚眾必掣精小學多讀古書明其  
條貫得其會通正其譌奪而後千餘歲未決之疑悉歸  
於文從字順此詣以高郵王氏父子爲最至閣下而益  
光大焉走雖禱昧心嚮往之年來竊食海上已不學而  
以學教人靦顏殊甚春夏爲病所苦訖今未瘳學問之  
事更益荒陋穀梁補注一書卷帙頗繁尙未繕有清本  
就正之願請俟異日  
其二  
承頒示賓萌內外集春在堂詩詞如獲百朋如登羣玉  
不勝媿幸之至兩平議有先得我心者有聞所未聞者



駢散詩詞十七卷則曠如奧如大含細入無所不有竊以王懷祖之傳經未刊專集孔彛軒之著錄僅附駢文視執事之華實並茂文而又儒直是後來居上矣敬服敬服拙著穀梁補注劣及五萬餘言頃倩人寫副本而遲鈍殊甚災黎之舉更非容易姑爲後圖烝治穀梁春秋非味於眾人之所不味也特以楊子雲有言尚書說事而春秋說理所謂說理者全在乎其辭之異同詳略先後離合婉直微著而不在于事之多少惟穀梁子能得此旨實爲聖門真傳而文意簡奧未易會通自劉子政說祭伯來說已卯晦已禘以公羊先入之見何論其

他矣穀梁時代本在公羊前漢世公羊先行而劉略班志遂以穀梁居後雖孝宣君臣竭力表章卒爲公羊所掩黃初立學墜於永嘉迨太興詔書乃以膚淺譏之南北朝人竟作小書目之范氏作注不能成家妄有駁詰王仲淹反以爲善馴至啖趙孫劉胡張黃趙之徒禠用三傳三傳各失其真而穀梁尤爲人所易忽雖列於十三經反不若國語大戴記之彰彰惟有一柳子厚能知穀梁文章之妙而於義理精微之處亦未暇論也私竊歎愍專力成書蒼萃見聞折衷一是於范注載其全於楊疏擷其要而一一指其違謬於墜文佚注則從他籍



弋獲於二傳國語管晏史記等則取其可相補備者辨  
其大相乖刺者於羣經諸古書苟相出入必備援證禮  
有晚周改作及漢初采集者時或論及與高見略同於董何賈服韋杜諸說及徐  
孔二疏與夫啖趙以來數十春秋家并諸襍著一字可  
用亦必摘采有數說同者則舉其最先之說有已說為  
前人所已道者則改從前人此皆廿餘年來實事求是  
之意而究不知其真是與否也羣經平議中說已采錄  
如干條深荷惠益諸子書既不熟亂後又不能備有當  
以平議置案頭徐徐讀之至於沈思翰藻或筆或文自  
忖無所得望洋向若而已抨擊之任非所敢當銘感之

忱實無既極日月逝於上體貌衰於下享帚滋慙問津  
無自念此殊悵悵耳

胡荻甫農部書

丁卯冬道出吳門購得大著羣經平議一部舟中讀之  
發矇解惑傾佩無量月前汪瘦梅水部入都攜示諸子  
平議九卷傳述出自厚貺拜登之下念先生亦知世間  
有胡澍邪不覺狂喜老子開卷道可道非常道名可名  
非常名四語久不得其解注家皆隨文曲說今讀大著  
破常為尚讀與上同始得渙然冰釋由是而文子精誠  
云貴其不言者道可道非常道名可名非常名著于竹



帛鏤于金石可傳于人者皆其粗也上義云誦先王之書不若聞其言聞其言不若得其所以言得其所以言者言不能言也故道可道非常道也名可名非常名也淮南本經云至人鉗口寢說天下莫知貴其不言也故道可道非常道名可名非常名道應云桓公讀書堂上輪人曰獨其糟粕也故老子曰道可道非常道名可名非常名諸節向之轉轄于心者皆迎刃而解矣益用快慰澍嘗有韓子札記百餘條其備內篇之桃左春秋疑桃卽禱之異文左爲兀之誤其作禱杙者猶鳳皇之作鳳凰鉅鹿之作鉅鍤其稱春秋則猶墨子書稱周之春

秋燕之春秋也內儲說之公叔相韓而有攻齊有當讀又攻當訓善藏本攻作功功攻並從工聲其義均爲善也又能爲之諸侯乎左傳作能行乎則之當訓往爲讀去聲言能爲往諸侯乎皆與尊見適合私幸其說之不一孤特以稟燬於賊莫由就正爲憾耳又嘗謂內經素問實先秦古書先儒多以爲醫工所業未宜究心自忘譚陋思譔校義一書粗有所得以公私奔走未能卒業先生勤求古訓學博識高瀏覽之餘必多創獲尙乞賜教

一一

馮聽濤秀才書



九月初得賜書并羣經平議三十五卷發函伸紙凝神  
曠思竊以先儒鴻教布諸估畢或支分派別或兼綜條  
貫或相承淵源或自立門戶考其異同定其得失非可  
更僕數也兩漢而降洎乎六朝新說遞增夸飾斯盛吐  
辭雖藻尋理實詭子雍好異倡爲聖證之論輔嗣解經  
流入老氏之旨提唱元風詆排正軌至有妄立體裁上  
晦發典師心自用古訓殊昧說有所不達理有所不通  
則迺僭改前書以實已見撥棄舊詁以標僞詞豈有能  
拓擴羣言遠宗古義者也夫博解羣經務通小學漢儒  
課教必先諷誦籀書九千字以得其指意聲形授爾雅

十七篇以究其訓詁轉借故詭更正文許慎糾其謬破  
壞形體班固訂其違他若康成定驛圍之字何休辨登  
得之聲周禮故書必存於注儀禮古文盡著之篇莫不  
準則籀斯考鏡姬卜伏惟吾師朝宗大海著作名山口  
吐鳳采不屑揚子之草手折鹿角奚憚充宗之強凡五  
雅三倉雜碑雀籙無不曲探窅窅盡削夸毗而經學則  
尤稱顛門自成馨逸不侈繁縟不病捷獵無駕空以立  
說自尋塗而析理洵足雕繪景運潤色鴻業獨立旗幟  
頰窺漢唐松生自苦徇愁倍加矯厲竊不自量用陳斯  
詞譬如山岳彌高一蕢自絕其比擬日月遠照燭火難



效其微明伏祈垂鑒不盡萬一  
沈韵初中翰書  
漢三老石刻曩時所見皆甚模糊故各家釋文多就意義所屬揣度爲之及前年得精拓本有字甚明顯而不可識者心甚惑焉竊以此刻中鋒椎鑿字體古拙可愛惟文詞則朴野之至殊覺費解吾師既有藏本必曾詳究其義今以精拓之本并舊釋文呈請鑒定伏求指示疑義俾得釋然於心也吾師書法素所心折每得寸紙必什襲珍藏嘗與友人私議古來惟積學大儒之字最不可及以全從書卷得來不由外造也今幸於吾師遇

之故昨以漢隸各種奉求署檢庶古石刻益以生色幸俯鑒積誠不拘何體隨意書之

其二

承示劉侍御所考婁山石刻未爲的當侍御徒援五鳳石刻之例故定爲趙王遂夫摩崖鑿石非若碑紀有一定體例必甄五鳳一石遽定此刻在文帝無年號時實難憑信至謂後漢變篆爲隸此石篆刻必在西漢則所見後漢碑石篆刻者甚多又何說歟惟字體古樸實爲漢篆與晉人書迥別斷非石趙時物鏞擬續輯翁氏兩漢石刻記若依劉說此刻冠兩漢矣幸爲鑒定俾有所



適從也

其三

前日奉到漢刻雙鉤本指正處感服之至秦漢石刻自歐趙著錄後前明又就湮沒至國朝諸先輩搜採摹拓日出不窮詳稽博考於經學小學皆得貫通其已經前人審訂各種似搜括無遺議矣然訛漏處亦尙時見倘得吾師一一考定不獨爲鏞一人啟發其有功後學者亦甚巨也連年南北奔走所得墨本半就扁祕日來兩窗無事始得檢理今呈上武梁畫象題字冊其中足爲經史佐證者甚多黃炂盦司馬刻入小蓬萊閣金石

記所採各家考證之說吾師或有正誤及補釋處求卽書入冊中也

喬鶴儕撫部書

前蒙賜題含飴課讀圖感不去懷曾作書布謝嗣後西往秦中無所施設佗僚亡慘遂未及脩候左右罪甚罪甚比惟橫經函丈多士景從翰墨清娛精神彊固定符鄙祝弟偶抱採薪薄言求艾願專一壑譬驚鳥之得枝姑禦三冬學蟄蟲之坯戶明歲或又爲饑驅而出得無笑其高蹈之不終乎昨得勒少仲兄書睫巢齋額八分古渾而蕭散弟極愛之詢知爲閣下捉刀敢祈再賜書



楹帖一聯弟雖不能書而朝夕瞻玩妙墨亦可稍滌塵俗矣

杜小舫觀察書

承賜書堂額極佳弟曾數四書之總不得當見椽筆始知腕力自有真也二詒字以口稍小者尤覺渾含又承惠篆書司馬溫公逸箴銀鉤鐵畫中書味盎然雖使錢先生爲之未必有此神味昨所呈之官箴拓本固知非佳品也

趙惠甫刺史書

昨奉復箋欣悉道體清和並荷爲舍親道地惟不輕然

諾者斯一言而九鼎也內典至多管窺者至少未敢率對大抵性分不同摩訶衍起位論所云有以繁稱多說而得悟者亦有眾生惡繁樂簡以一言而得悟者種種各別難可概說然亦微有門徑喜文字者宜從教入天台諸大部是也法華文句法華立義大小止觀等皆是樂理味者宜從宗入其書繁多經則楞伽金剛楞嚴圓覺等皆是論則傳燈指月等皆是先宜劃清路數揀別當機庶涉獵不僅爲談資耳愚見如此尙乞印正月杪卽有黃山之游惜不及與從者共登臨也

昨家慈壽辰蒙賜楹聯語意周而諒法古而聲雅推襟作



楹帖一聯弟雖不能書而朝夕瞻玩妙墨亦可稍勝  
備有黃山之裁計不又與於香共登臨也

高謝熙世難不勤為憲資耳愚良欣此尚之曰也凡  
貴者皆長編傾軋錄諸員籍皆長我空晴清欲獲  
錄與知香空到宗大其書樂多謝與謝收金剛  
倉衛大滄景山或華文向海華立美大亦也勝等皆長  
谷恨難石難錫然亦難會門然書文字亦空空  
仙新新香亦百眾主惡樂樂簡以一言而野部皆蘇蘇  
樓天洪出衣不同類隨前跋立論視之育以經蘇之  
遠香德一言而此類以天與主多管讓隆主之未姓

袖中書二

德清俞樾編

李筱荃制軍書

頃承手櫛敬承一一大江南北自經兵燹典籍散失多  
士有志研稽苦無善本此閒七經刻竣自宜旁及諸史  
聞金陵所刻三史將次葺事鄙意擬會合蘇甯兩局分  
刊全史以成大觀唯浙中局面褊小經費無多而廿四  
史中繁簡不一宜如何分派刊刻應請閣下函商諸君  
子酌定此不朽之業想賢者亦樂為左右也

其二

昨家慈壽辰蒙賜楹聯語意周而隸法古勁羣推傑作



傳誦一時感佩何極公序一篇命意遣詞迴絕恒徑知亦係閣下手筆弟等碌碌何足超軼前賢而姓氏從同不謀而合一經揚厲爲榮多矣雨生中丞函告蘇局續刻通鑑目錄並通鑑外紀及明史弟致書雨生商刻全史合蘇浙甯鄂各局爲之未知雨生允否相晤非遙容當面議

其三

昨檢舊篋羊毫尚有所存謹送呈十枝備用又長頭羊毫二管聞昔姚伯昂先生最喜此種弟苦不能用管城子歎失所久矣公精篆隸必能任意揮灑爲此子一吐

其氣也

馬穀山制軍書

辱手教知鴨波漲暖鷓帆飛行山色湖光早入春風坐上矣承示甯蘇浙三局會刻全史嘉惠士林尊意與後泉中丞脗合並承詢及芻蕘盛德謙光可勝欽佩此間見刻史漢將次竣事已續刻三國志並擬帶刻晉宋及南北朝各書蘇浙兩局如欲彙刊請從新舊唐書入手得有數年之功總可告成惟此間校刊俱照汲古閣本蘇浙局中亦能仿照則將來全史一律庶成鉅觀高明以爲何如後泉雨生兩中丞處並請就近商確爲幸



其二  
頃奉惠書猥荷勗勉過情慙感曷已伏承湖山觴詠津  
逮藝林仿曝書萬卷之亭爲樹人百年之計覺西河抱  
經諸先生去人未遠也四省分刊全史前議粗有端倪  
此閒俟三國志告竣接刻晉書惟自晉至隋尙有八百  
餘卷竊恐曠日持久驟難早覩成編擬與彼翁熟商不  
拘蘇浙鄂三局如殺青先竟再分刻一二種以期速成  
非爲惜費計也兩漢樣本尙在復校俟印訂後如命寄  
達吳中于文襄謂朱笥河辦書甚遲但期日課無愆則  
遲者或益精好卽此愈見成書之不易耳簿書塵勞展

卷之時絕少何當追陪裊屐一質蓄疑也

朱鎮甫孝廉書

壬戌之歲避兵津沽行船爲關吏所阻其時正屆盛夏  
仲眉突黑舉頭曦紅幸先生言之權使拔老母於炎天  
瘴海之中感激之私銘肌刻腑厥後隨輶皖水听夕奔  
馳六載而來音敬久闕然巾山盛德無日不在舉家夢  
寐閒也敬惟道履康強教思不廣回幼安渡遼之駕築  
子雲問字之亭東浙人文想望同切衍緒倖登鄉薦春  
官被放卽日南旋息影閉門不問外事所幸家君康健  
飲啖如常雖舊疾未除而發不加劇今歲仲冬初吉適



當七十生辰里中戚好預戒稱觴而製錦之文必得大  
君子操管庶不爲尋常諛美之詞念近日東南壇坫主  
之者實惟先生溯自騰文綺歲射策丁年播傑作於風  
簷蜚英聲于蓬觀梁園乘傳天邊之使節過飛玉局謫  
官海外之文章愈壯衍緒滬江樞謁辱先生一日之知  
伏求賜以鴻篇彰茲耆德得奉名山之巨製卽爲門庭  
之至榮謹呈節略無任翹企

彭雪琴侍郎書

湖上一別旋於舟次辱蒙過訪恩恩判襪君渡錢唐  
歸皖水回憶湖樓聚首明月清尊旦夕聯吟此情何限

今不可復得矣從者山陰之行蘭亭禹穴雄詠必多惜  
楚越天遙無由捧讀也際此十里荷香一湖綠淨披襟  
挹爽之餘亦曾念及江上昌暑一葉舟中人否離情別  
緒江水悠悠後會何時莫能縣揣奈何奈何賤恙在金  
陵一番酬應又復咯血昨到皖江以塗次靜養血止而  
嗽猶甚在此小住數日卽泝流上駛風逆水溜迨渡洞  
庭則秋風起矣茲有述懷留別詩呈政餘二紙分貽周  
孟兩君一粲也

其二

西湖聚首快慰平生別後流光彈指三載祇以退居鄉



里楚越天分音敬久稽職是之故仲冬六日接滌生師  
相金陵火票五百里牌遞初不識何事羽急卽啟封得  
華翰一函大作五十初度詩五首不禁拍案叫絕五雲  
一朵天來飛來七尺珊瑚不足爲寶矣盟薇雒誦想見  
海鶴風標神空天馬劉樊夫婦荀薛兒孫天上雙星人  
閒全福視邯鄲道上人爲何如邪經師人師壽身壽世  
富貴浮雲宐乎一晒置之我本無家己巳乞退湖上養  
疴原擬卜築結茅得二三知己陶情山水乃以事不果  
遂歸衡陽舊里於江東岸得地半畝建退省庵一楹曾  
有句云三閒草葢無梁殿一箇雲游有髮僧真堪噱也

修理先塋事畢原擬不問世事閉戶靜養而俗累襍來  
偏多煩惱明月清風支撐不易失血舊恙及受創宿傷  
當春舉發年甚一年老我蹟唐意緒蕭索有句云欲殊  
煩惱須無我歷盡艱難好作人又云共我笑談書一卷  
消他傀儡酒三杯近況如斯而已回首精舍曷勝神馳  
每當簾風梁月莫不嚮往左右如在六橋三竺孤山冷  
泉閒也如明春病魔憐我不纏雞肋當於秋閒抵秦淮  
至孤山處士花下度歲但不知山水因緣何如耳  
曾滌生師相書

哲嗣至接讀手書并大著莊子平議及詩集各一冊籍



悉履蹈綏愉纂述侈富至爲歧羨鄙人前在江南閣下  
及二三君子時復見過跌宕圖史頗極文游之樂北來  
以後舊游睽隔興趣爲之大減復值歉歲百爲不成冬  
令雨雪稀少二麥種不入土畿南大廣各屬至今未沛  
祥霽來春徧野嗷鴻未識撫綏何術哲嗣係先儘班前  
補官尙易惟永定河歲久失修處處危險不欲驟以艱  
鉅相貽且先於省城暫謀位置決不令其久賦閒居致  
進退艱窘也賤體拙適惟眼蒙特甚雖於老花之上又  
增加光而看字尙如隔煙霧衰年本無意於學術每日  
公牘亦不能了殊覺有玷斯位耳

其二

頃接惠函猥以鄙人六旬初度祓飾逾恒曷任初戢就  
諗暫離湖曲小憩蘇門憑戴席以談經異義端推叔重  
向元亭而問字同時亦有子雲袖中新本沾漑藝林吳  
越之間喁然嚮風矣國藩春夏閒右目失明又得眩暈  
之疾請假兩月期內遽有津民之事力疾赴津辦理旣  
多棘手措施未盡合宐內疾神明外慙清議事畢復奉  
重蒞江南之命疏辭未允九月下旬入京 陛見十  
月出都由陸路取道濟甯南下以一目病廢而再蒞劇  
任夙夜兢兢恐爲知己羞耳



其三  
昨復一箋亮已照入頃接惠翰並頒到大著六種偶展  
經子平議原本故訓曲證旁通誠有類乎高郵王氏之  
所爲及讀文集詩詞諸編則又興往情來波瀾雲詭乃  
復兼張茗柯洪北江諸家之長想見一鐙深坐孤秀自  
馨石江鮑而拍肩左鄭何而把臂罌無儲粟篋有傳書  
載糗則五鬼跳踉握管則羣神奔赴人或疑其不偶天  
乃昇以殊榮諷繹再三欽遲曷已國藩重莅石城胸經  
帀月碎文叢牘如理亂絲一切江海操防尙未一爲籌  
畫精力疲繭苦不足應繁劇日深眩暈閒作幸得

大集一開鬱抱暫時展對旋卽棄去譬如寒梅晴昊片  
刻周旋而竟日繾綣於黃茅白葦之間其爲塵垢所攫  
只自苦亦自哂也

其四

正月間接到惠函就諭履祺休鬯箸祉綏愉無任抃慰  
壽衡侍郎一疏推轂賢俊若將不及聞所舉十七人中  
率多高才秀士束躬圭璧方服其識拔之精乃以此上  
干嚴譴望於吏議渠於二月中旬到此盤桓數日比  
聞尙在揚州卽當首塗北上若朝廷察其所薦之無  
私鑒其存心之無他或可湔被咎責重履亨衢至閣下



閉門譔述無求於時碩學宏文雁行服鄭抗手潘張自足照耀百世豈與夫羣碎爭一日之短長乎頃見大著五十自壽詩清襟浩蕩超然意遠諒決不以此介懷方今雅道陵遲人物渺然僕輩忝列穹官便應博求英彥薦寘周行冀以黼黻天維而彌縫蹇陋自媿汲引無多無解於竊位之譏如閣下者久思效北海一鶚之舉而因循未發坐損年華東坡詩云知命無憂子何病見賢不薦誰當恥殆似爲鄙人言之今徐君旣遭譴絀多此一重刻舟之痕自未便再施斧鑿徒血指汗顏無益於隆棟而反害之亦未敢貿貿然也國藩重來江表胸逾

四月暈眩之疾近尙未發目光昏蒙日甚無術挽回頃又新添疝氣腫痛異常起居不便眷累亦復多病藥鏹滿室用爲悶悶惟正月間大小兒及二小兒各舉一子大小兒年逾三十望之已久今始得之老懷差以自慰耳

其五

四月間兩接惠函并承代覓吳仲雲前輩詩集一部拜登敬謝又接七月廿五日手書知從者避著蘇垣履祺休邕無任馳企國藩回任江表精力日衰前發疝氣雖已痊瘡目光蒙霧無術挽回近復兩腳浮腫軍政吏治



均未能悉心料理殊以爲媿擬於中秋前出省補行大閱之典先至淮徐次赴蘇滬雖無菟乘補卒之實亦聊循行舊典使營伍稍知振作耳抵蘇之期約在九月之季屆時能把手鬯叙快慰何似承屬署大著之檢字固陋劣近因目疾往往束手閣下年方五十而著書已至百數十卷多而且精世人多稱浙中朱毛蘭陵孫洪旣富才藻又達經訓如君所詣固當遠過前賢禮堂寫定百世以俟會晤不遠容當面交惟鑒不具

勒少仲觀察書

春仲奉寄宣州紙一卷求書不審已曾作得一二否茲

從子赴吳門復呈上長聯一丈二尺者一副八尺者一副求作隸書字逾大愈雄快也又八尺者一副或隸或篆均可弟不自揣頗以柳下惠爲我師又生平光景畧似汲長孺位雖下情則同也兄如就直蘊二字作一聯見贈則尤感矣曩在京師見伊墨卿先生以六尺素紙作五言聯氣魄高闊可喜之至惜未購得至今思之與兄忝在同年平時欽佩出於肝鬲若不能多得兄書是謂甘心錯過他日老去定以爲憾矣承索詞本謹鈔一冊寄呈此何足當一盼且未嘗吹管度之祇台喚作長短句耳



其二

昨從退樓寄來手翰情辭肫摯有若面談就論清恙已痊無任欣喜更冀因時調攝努力加餐金風爽人合用滋補不審能服溫劑否人至五十以後火氣漸差藥性之涼而膩者總未宜輕進也求書聯幅幸勿望心原平時愛重之心固期於多得在遠道溯洄之意還望於節勞興到乃書庶不爲所苦耳

其三

秋杪在白門承由退老寄來大著六種略一展讀神駭目迷精深浩瀚珠玉淵海求之昔人尙少儔匹何論近

時也又寄惠法書楹帖魄力雄厚格度整嚴歡忭無似因憶兄主吳門書院時有以評文作隸書爲議者弟甚訝之徐察其意蓋別有所在及兄移帳武林則求書者戶外屢滿此後恐欲作鐵門限矣然他朋好雖以得兄書爲喜未必若弟之貪雖信能愛重兄書未必如弟心之誠篤蘇明允上歐陽公書云執事之文章天下之人莫不知之然竊自以爲洵之知之特深愈於天下之人弟於兄書亦云爾也願今後凡神怡務閒偶然欲書輒爲弟留一二紙弟或有所箋白隨乞惠示數行以小函寄之弟將藏弄裝背成冊異日居林下道遠不得相晤



閒一披閱如對兄也

其四

七月十二日奉手教敬審起居住勝甚慰深兒幸獲一  
衿過蒙獎掖弟以來書令其捧讀欲其媿而自勉則受  
惠孔多也弟先以右髀生瘡暫旋白下皮膚之患本不  
介懷乃暑濕蒸蒸忽然病痢不食者兩三日偃仰呻吟  
心竊自思近日湯敏齋太常胡霽林少宰憚次山撫部  
葉晉卿觀察先後辭世豈欲招我同往芙蓉城邪已而  
積滯漸通胃氣徐復旬日之後危疾竟瘳則又自思如  
我凡骨命屬勞人固宜詰曲世閒不足隨諸公巢神山

也今我兄亦有甚矣吾衰之歎而又謂爲衣食所累癡  
守舉比信如斯言是亦不過與弟同病退之言百年未  
滿不得死弟與兄殆皆不必抱戴高士之憂矣政可相  
與一笑弟今年春夏心緒極煩日日思歸而勢難自遂  
浮湛仕路蓋亦出於無可如何都下親知屢以書促弟  
北行弟默念旣不得徑還林下則此行亦事理之常然  
計費不貲祇可待來年理會耳賜書聯幅當由夢九親  
領惟望聚藏清闕勿令他人攫之

楊卧雲孝廉書

舊歲戴子高書來言近爲樸學者當推閣下己心儀之



今春文駕來榕城希閱初不知也迨託秦令親轉乞得  
尊箸擬一二日閒出城奉訪則已由輪船返吳下望塵  
不及爲之悵然豈一面之緣亦有定數邪雖然得讀所  
著書具見賢者之用心固不啻乎覲面矣近世漢學實  
有光於前代而高郵王氏父子尤爲精塙尊著大都淵  
源王氏益加縝密將來師承記中高據一席無疑也希  
閱學問淺薄又無師法曩在都中所劖切者梅伯言吳  
子序何願船諸公均作古人老伏海濱漠然無所向聞  
有一知半解經史襍說無力寫刊前歲吳桐雲都轉屬  
作李忠定公年譜渠爲刊行謹以一本呈政附去高麗

紙宣州紙各四幅請爲作篆隸隨意興爲之西湖山水  
夢想久矣游屐有緣當圖良晤也

彭麗崧孝廉書

前歲得奉光儀并承賜佳句歸裝得此榮曜燭天嗣以  
滌生相國賜譔先嚴墓表因函請閣下賜篆碑額冒昧  
之求以爲必蒙允可遂於濡須口強家雪芹侍郎書碑  
卽已謹書閣下銜名題篆歸來兩載礮石待鐫而賜額  
尙未奉到又不敢以他手代爲之非徒廣鼎之不足珍  
抑亦泉壤之所不許也伏惟先生不棄老拙折節下交  
願始終大惠銘感無旣江浙劫灰初息得先生振興文



教傳經講藝自有千秋未知諸子平議已續付手民否  
申甫去歲於先人墓廬課兒子讀書自覺太勞今年已  
令長男代之縣志省志亦以精力不及勉爲辭卻矣江  
雲春樹無任依依不盡萬一

魏稼孫齋尹書

杖履南來獲承渠誨竊慰十數年飢渴之念彌以少日  
未嘗從游受業爲憾也錫曾自癸亥以後萬念都灰顧  
以四十無聞之身懷旦夕卽死之懼念先人支持之瘁  
付託之重自惟不肖無以顯揚其親必籍當世立言君  
子大文表彰褒袞冀幸凡數年於茲矣前者之請懼涉

冒昧乃蒙大君子盛德闡幽慨然見許逾月之久遂奉  
巨製伏誦之次于兩先母苦節實已標舉大端綜括逸  
事而寒家儀法之肅先叔父先兄友于敦本之誼亦籍  
考見從此附大集以垂不朽錫曾世世子孫感戴仁賜  
豈有涯歟法書淵古適穆在建武永平閒當代無二手  
私心尙欲求隸古一通爲勒石計惜聞無佳紙已命兒  
子本存從江浙閒購取秋涼當吟就烏闌敬求揮翰惟  
矜許之錫曾近將所著金石萃編校文先就王書周秦  
漢魏各卷據所見搨本校正粗爲條例終未畫一俟將  
東漢各碑校有眉目卽寫本求正也江西楊卧雲舍人



乞得羣經平議佩服贊歎卽欲走詣適聞從者是日啟行是以不果周季貺太守書來亦以未得一接眉宇爲憾兩君皆欲求書爲寄上直幅各一紙祈賜書爲幸大著字義載疑如已有定本可否寄賜一讀此間寫工頗能依樣如由錫曾瞻作宋體付令依寫可無大誤錫曾籍得附名校字之列實大幸也

吳平齋觀察書

今年五月八日爲家母朱太夫人八秩生辰慈命以時事艱難戒勿受賀雲不敢違惟念雲六歲遭先妣康太夫人之變至十歲先資政君棄養蒙太夫人守節撫育

至于成立太夫人無所出待子女恩義周至御婢僕務從寬厚調卹宗親始終無倦色六十歲以前紡織不離手今雖年登大耋衣服仍安布素子孫以輕暖進輒藏之篋笥曰惜物力所以養福也雲薄植疎廢無以副太夫人教養之恩每生媿懼屆期除率子弟循常例稱觴外恪遵慈命不敢受賀惟敬乞至好中有文行者賜序文數篇冀附箸述垂示方來伏念執事今之韓歐也畜道德而能文章且以雲之無似又常辱摯愛引爲交契之末用敢瀝書大概九頓首門下伏求謨賜壽序一篇藉椽筆闡揚以增光寵世世感激



其二  
承惠大著羣經平議適小極未及卽時裁謝罪甚今日  
體中小佳亟取繙讀數葉其釋夕惕若厲謂當以夕惕  
二字自爲句言君子終日乾乾終夕惕惕也語有繁簡  
耳若厲二字自爲句猶若濡若號也此四字先儒論釋  
頗多未有如尊說之簡括明暢足破千古之惑又卽  
川字非古坤字順從川聲川乃順字之段借說卦傳乾  
健也坤順也天行健卽天行乾也乾卦謂之健故坤卦  
卽謂之順此說亦精瑋不磨雖未窺全豹卽此略見一  
斑已決爲不朽之盛業矣至志書弟處善本有宋版新

定續志四冊影宋本臨安志不全本數冊然止可作古  
法帖書畫賞鑒而已近時郡縣志嘉湖蘇松均有成書  
體例亦俱完備如欲備閱可飭紀綱來取也

其三

羣經平議前已讀過諸子平議尚末卒讀甫讀管子數  
則已不勝傾倒此必傳之書也賤名得附卷端何幸如  
之執事清曠絕俗抱負宏深使得竟其所蒞則本經術  
以飾吏治其措施必有大過人者豈僅以文章表見已  
哉可勝慨喟卞中丞屬鈔補聚珍版闕葉弟處閒有數  
種如元和郡縣志第三十卷至十四葉便止無二十七



葉帝範止四卷此等書皆外省翻刻與聚珍京版不符因邀尤駝子來屬其訪覓渠云有數種俟送到再呈也完白山人篆書弟子職八幀附奉清賞又另刻四幀馮林一謂筆意散漫不及弟子職結構謹嚴而鄧守之見之則垂涕泣而求以墨本不得收藏爲大憾法眼觀之究如何也

應敏齋廉訪書

滬城小敘未得暢盡衷曲官之累人如是鄭志業已索來卽以奉寄而劍人已作古人矣生平著述有遺書致寶時屬爲次第校刊記室戴君則先劍人十日而歿何

文人之相繼棄我歟胸中於邑累日兼以蘇松常熟嘉定各處教堂舊址西人紛紛來索皆我朝全盛時所拆毀而作聖賢祠宇及常平倉者又豈料有今日哉聞見所及能無氣沮想吾兄亦爲眉結也補翁書來言浙事否琴西想須回里度歲近接來書切中事機惜無行之者耳

其二

前月接奉教惠備承誨益因詣太倉劉河勘量河工未及卽復罪甚寶時月杪回滬塵牘山積清理亦無了時總覺才具竭蹶終難久於其任耳朱子鹿洞遺規士林



無不知之而行之者殊尠此間所擬章程冀於叢爾一隅推行及遠規模猶具信從與否正未可知訪翁固不媿師資而寶時則於執經請業之列尙無能爲役來書許以樂育人材借獎過情令人汗下承示師弟子立揖方位據執典核所以別嫌明微之意甚至龍門書院限以地位或義可從權歟方今士習文風日趨浮薄非得公與琴西訪溪諸公提唱而振刷之何以昌明正學來教以入股務在通經洵至當不易之論卽性理工夫亦須從通經入手若空腹而談義理亦復如瞽目循牆一步不可行也

其三

昨奉手復并承賜方向未合用因有童便甚不欲製近日嗽復如故得暇卽讀懲忿書而肝火益熾不貳過之神勇非復聖其孰能之大作高華無匹讀之神王如論實用則車戰自是要著微聞已有行之者至以水禦火恐遲速遠近之勢均不能及惟行文殊精采奪目耳頃有人自粵東來極言薊翁政聲之美幾如大旱甘霖潮事亦妥帖紛紛謠傳殊無足據鮮荔枝新到謹奉一簞計八十枚海南風味幸試嘗之

楊石泉撫部書



前奉手教緣事忙未及泐復旋蒙枉顧又以他出不獲晤談歉甚歉甚惟敬祝道履優游吟襟諧暢而已大集已屬桐孫選匠開雕未知日來已成幾許校讐之役恐須仍勞先生也承屬序言弟本不文何敢序我公之詩惟既奉大命又未敢辭昨擬一稿是否可用求指示之其二

昨奉手書并大著文集名山壇席箸述等身南豐復起敢不瓣香拜祝邪龍湖一席並奉先生非弟阿其所好亦以珂鄉多士羣盼春風之吹拂耳補翁在粵方資整理因水土不甚相宜故有歸志恐未必能如願也

宗湘又太守書

今日而有先生猶禾中之有竹垞天台之有息園也兩次獲陪座未得聆緒論榮幸無似遲日再當趨謁茲奉上三老碑脫本又杭城坊巷圖伏求管入尊著之已刻者如蒙賜讀則百朋之錫矣佇望佇望皇恐皇恐

如冠九觀察書

別後兩奉手教並敬讀大著古秀在骨寄託遙深玩味無窮不能釋手舟中三君子詩尤爲絕唱拜服拜服禹寺往生碑已揭來頗有鍾太傅遺意謹以三紙奉寄三老碑多細凹搨工不善難以著手餘姚令極力蒐羅僅



得舊搨二本願與老兄分藏之

李眉生廉訪書

送上大宣紙四幅敬乞賜書篇幅過大頗費筆墨附呈大羊穎五枝大墨二笏聊供濡染之需大箸古近體詩賜我一讀莊子平議如已刻成亦惠一冊八月還杭後何時復來執事經師人師純乎古詣而不落近世學者窠臼兩次接談傾倒極矣後當時時過從故盼來蘇之速也

其二

題朝因屏擋遠行未獲趨奉清談高軒臨況又復失迂

悵惘之至師相北行執事赴白門祖送否諸子平議貫弗六籍而無鑿空之病必傳之書不刻可惜弟屢與平齋言欲合三四友朋之力以成之請速召手民俾成巨觀勿以經費爲慮詩二冊并還清俊如樊榭而博大則踰之矣

王補帆撫部書

讀平望舟中書知台從來往姑蘇武林之間雲裝煙駕令人望若神仙如此清福幾生脩到邪弟於俗塵萬斛中展誦一過雖未得追隨左右亦覺清風習習從兩腋生俯視案牘則甚囂且塵土矣近况尤甚無待再陳茲



因有解餉員便寄上經解一部用椶箱裝貯尚有隙地以南華茹午時茶兩種彌縫之到時檢收爲幸來示言文集用聚珍版印刷究不如鑄版爲妙可否將副本寄弟代刊廣東刻字價廉而工速石泉可以刻詩補帆獨不可刻文乎

其二

昨奉手示并蒙賜譔先嚴家傳加以論贊先人遺事得大著以垂不朽感何有極叩頭叩頭謹遵命列入姚君傳後已付梓人大約月內均可刻竣俟寄蘇後奉到校本再行刷印公事冗碌中偶披讀大著一二篇頓豁心

胸皆發前人所未發如廟廢而祭墓尸廢而畫像一經說破卽成鐵案拜服實無地也治說下篇尤不厭百回讀但與騰論冰炭耳

其三

昨接唐西舟中書知台從已至湖樓凡百吉祥定如所頌奴子陸賈病於滬上故前次惠書竟未收到弟所寄應元志略曾否營入茲錄寄楹聯數紙聊助湖樓筆談猶記往年在蘇營時兄津門來書言及欲編輯本朝名將爲一集近來李次卿廉訪有國朝先正事略之刻名臣名儒分門別戶較名臣傳采錄爲詳如案頭未



有此書當奉寄一部尊體已復元否至以爲念著述之暇似宜珍衛起居湘鄉師以吾兄爲拚命著書究之著書則可拌命則不必也

其四

前奉惠函并通志序稿當卽復謝想已達矣弟近有一快事足爲春在堂隨筆談資謹布陳之弟前年在廣東創設應元書院其序文及楹帖曾寄奉青睞在鄙意總望今科得大魁乃其說果驗應元書院今科成進士者九人而狀元梁君耀樞卽在其中昨得粵中來信神奇其事以仰山閣楹聯云嶽峙層霄海內斯文尊北斗雷

鳴昨夜天公有意屬南州梁君字斗南斗南二字已於聯中點出奇奇又決科之前夕雷雨大作卽雷鳴昨夜四字亦有著也奎文閣聯云三台奎耀臨南越八座文星拱北辰耀字南字均明見北辰北極天之樞也樞字亦暗藏語雖附會亦詞林一佳話矣吾兄聞之爲掀髯一笑否

其五

昨由滋翁寄到復函知中秋節後可抵湖上想湖山大



平弟却有一故事至今疑團不解附錄以博一笑弟於道光戊申己酉閒館於山左藩署中其時方伯爲王保珊前輩最喜觀劇除忌辰齋戒外無不管絃至於無客可請無人可陪則主人獨坐聽之凡伶人以戲目請點主人必點罵曹伶人請曰陽罵乎陰罵乎則曰陽罵日日如此月月如此年年如此署中人不解通省僚友亦不解有與保翁至熟者請其說笑而不答弟戲語幕中諸友曰王保翁前生殆是禰正平耳今閣下乃與魏武子孫有不解之緣亦止可以前生一語不解解之付之一笑而已至讀大著總目洋洋大觀小儒咋舌則又不

得不歸功於魏武之子孫不然恐無此閒工夫成此大著述也湖上風景想較數年前更佳有新莊否理安之桂復茂否雲棲有參天老桂兩株杭城罕見曾一探詢否禪堂中縣楹帖二一是薛慰農所撰一則弟所書也慰農句云到此方知官是夢前生安見我非僧弟句云長此洗心歷江海山半有亭偶逢行腳問雲山兩人口吻卽有人山出山之分附聞以助筆談水陸交遊其人誰戴子高廣文書南翔有觀涼而使人衣湖于別後越五日始逢吳中舟中無事得絕句三十首中有一首奉懷吾丈云譚經更得鄉前輩戚長依依似



友生天遣名山終老去著書盈篋勝公卿錄呈以博一  
笑望更取諸子平議一部而去因索觀者多望止一部  
不能徧借也益甫雖有脾氣而好人先施其持郇子性  
惡之論與尊見合儻先下教未必不水乳交融其人終  
是奇士浙中如此人正難覩也

潘少梅明經書

湖樓握晤以夕陽摧客尙未罄譚歸步湖隄中心惓惓  
若有不能釋然者夫己氏云云固屬不經大賢何所不  
容亦惟置之不論而已所患者吾鄉士趨日下風會使  
然挽回不易爲大局計能無慨然會試首題頗難構局

文風似南北互易小兒若不存得失心竟作散行攄其  
所見或可望中特恐無此膽識耳燕雲遠睇殊覺倚闥  
之念縈繞晨昏矣交上檳榔扇一葉已倩藍洲繪就欲  
求大雅一題留下半自題尋閒之事亦別寄幽情有浼  
妙墨也

吳清卿大史書

韵初來出賜書知起居萬福著述自娛吳越一航往來  
容與經史之味得湖山之助彌復盎然又承示去歲述  
懷之作想見沖抱如白雲之在空絜然無所累當世塵  
容俗狀詎足夢見萬一哉長安人海中寸心擾擾愧無



以為壽長夏務閒試事已了擬便從事文墨他日當補  
作畫幅寄呈以代鶴南飛之願吾師篆法得經籍氣為  
多渴想已久往時總未得一墨寶校經有暇求為書七  
言聯句其紙託韵初購呈也

袖中書二



箬篇

游藝錄一

德清俞樾

凡箬古用著今用錢一幕兩字曰單錢是為陽以一識  
之一字兩幕曰拆錢是為陰以二識之三幕曰重錢是  
為老陽老陽變陰以〇識之三三曰交錢是為老陰老  
陰變陽以×識之皆自下而上三擲而成內卦又三擲  
而成外卦

六十四卦

純卦	一世	二世	三世	四世	五世	游魂	歸魂
乾	姤	遯	否	觀	剝	晉	大有
坤	復	臨	泰	壯	夬	需	比



震	木	豫	解	恆	升	井	過大	隨
坎	水	節	屯	益	妄	噬	頤	蠱
離	火	旅	鼎	濟未	革	豐	夷明	師
艮	土	賁	畜大	損	睽	履	訟	同人
兌	金	困	萃	咸	蹇	謙	過小	漸
卦象既得乃定世爻應爻卦爻雖變世應不易								
八純卦	上爻	世	三爻	應				
一世卦	初爻	世	四爻	應				
二世卦	二爻	世	五爻	應				

三世卦	三爻	世	上爻	應							
四世卦	四爻	世	初爻	應							
五世卦	五爻	世	二爻	應							
游魂卦	四爻	世	初爻	應							
歸魂卦	三爻	世	上爻	應							
乃用納甲之法定六爻之幹枝											
乾上九	壬戌	九五	壬申	九四	壬午	九三	甲辰	九二	甲寅	初九	甲子
坤上六	癸酉	六五	癸亥	六四	癸丑	六三	乙卯	六二	乙巳	初六	乙未
震上六	庚戌	六五	庚申	九四	庚午	六三	庚辰	六二	庚寅	初九	庚子
巽上九	辛卯	九五	辛巳	六四	辛未	九三	辛酉	九二	辛亥	初六	辛丑

卷一

七



坎上六子戊九五戌戊六四申戊六三午戊九二辰戊初六寅戊  
 離上九巳己六五未己九四酉己九三亥己六二丑己初九卯己  
 艮上九寅丙六五子丙六四戌丙九三申丙六二午丙初六辰丙  
 兌上六丁未九五酉丁九四亥丁六三丑丁九二卯丁初九巳丁  
 其一世二世至游魂歸魂視八純卦

內卦乾	甲辰	甲寅	甲子
外卦乾	壬戌	壬申	壬午
內卦坤	乙卯	乙巳	乙未
外卦坤	癸酉	癸亥	癸丑
內卦震	庚辰	庚寅	庚子

外卦震	庚戌	庚申	庚午
內卦巽	辛酉	辛亥	辛丑
外卦巽	辛卯	辛巳	辛未
內卦坎	戊午	戊辰	戊寅
外卦坎	戊子	戊戌	戊申
內卦離	己亥	己丑	己卯
外卦離	己巳	己未	己酉
內卦艮	丙申	丙午	丙辰
外卦艮	丙寅	丙子	丙戌
內卦兌	丁丑	丁卯	丁巳



外卦兌 丁未 丁酉 丁亥

乃以八卦五行生克定六親之位生我者父母我生者子孫克我者官鬼我克者妻財比和者兄弟

父母 子孫 官鬼 妻財 兄弟

乾宮卦 金 辰戌 亥子 巳午 寅卯 申酉

坤宮卦 土 巳午 申酉 寅卯 亥子 辰戌 丑未

震宮卦 木 亥子 巳午 申酉 辰戌 寅卯 丑未

巽宮卦 木 亥子 巳午 申酉 辰戌 寅卯 丑未

坎宮卦 水 申酉 寅卯 辰戌 巳午 亥子

離宮卦 火 寅卯 辰戌 亥子 申酉 巳午

艮宮卦 土 巳午 申酉 寅卯 亥子 辰戌 丑未

兌宮卦 金 辰戌 亥子 巳午 寅卯 申酉 丑未

乃以世爻之陰陽定卦身之所在陰從午始陽從子始

陽世 上巳 辰四 卯三 寅二 丑初 子

陰世 上亥 戌四 酉三 申二 未初 午

如初九為世爻則卦身在子初六為世爻則卦身

在午餘視此

如有不得求之於伏

如天風姤為乾宮卦屬金初爻丑土為父母二爻亥水為子孫三爻酉金為兄弟四爻午火為官鬼五爻



申金爲兄弟上爻戌土爲父母獨闕妻財則以乾卦  
二爻之寅木伏本卦亥水之下爲妻財如地雷復爲  
坤宮卦屬土初爻子水爲妻財二爻寅木爲官鬼三  
爻辰土爲兄弟四爻丑土亦爲兄弟五爻亥水爲妻  
財上爻酉金爲子孫獨缺父母則以坤卦二爻之巳  
火伏本卦二爻寅木之下爲父母餘視此卦身同  
有伏則有飛

如乾二爻寅木伏姤卦二爻亥水之下寅木爲伏神  
亥水爲飛神坤二爻巳火伏復卦二爻寅木之下巳  
火爲伏神寅木爲飛神

乃定用神以斷吉凶

所占之事必有所主或主父母或主子孫或主官鬼  
或主妻財或主兄弟是謂用神用神不見求之於伏  
用神多見用其持世者用其變動者用其旬空月破  
者

凡所占之事不一今以天地人物分類列之如左其  
有不盡以類推之

天之屬

雨視父母 晴視妻財 日月星視子孫 雷電視

官鬼 順風視子孫 逆風視官鬼



地之屬

城牆宅舍視父母 倉庫視妻財

人之屬

祖父母父母父母之兄弟姊妹師長家主及諸尊屬  
皆視父母 子女孫女之壻兄弟之子及諸卑幼及  
僧道及問避難解憂或問忠臣良將並視子孫 夫  
及夫之兄弟夫之朋友及問科名官事或問盜賊邪  
祟疾病憂疑皆視官鬼 兄弟之妻妾已之妻妾朋  
友之妻妾及婢僕皆視妻財 兄弟姊妹姊妹之夫  
妻之兄弟及朋友皆視兄弟

物之屬

舟車衣服雨具繒布及章奏文字視父母 錢財糧  
食金銀珠寶什物物價視妻財 藥餌六畜禽獸視

兄弟

生用神者謂之原神克用神者謂之忌神克制原神生  
扶忌神者謂之仇神

如用神值旬空月破衰弱或伏藏不見而有原神一  
爻動而來生之或月建日辰為原神以生之則吉如  
用神旺相而原神動而變墓變絕或為月辰日建所  
克則用神無根矣如是者凶



忌神克用神而卦爻變動又出一爻為原神則忌神反生原神如木以金為忌神以水為原神而金即生水是也是謂貪生忘克如是者吉或忌辰克用神而用神值旬空或伏藏則可以避其克如是者亦吉然或忌神力重則出空出伏必受其克如是者仍凶又於變爻之中求進退之神神進則增威神退則減勢

進神

亥變子 丑變辰 寅變卯 辰變未

巳變午 未變戌 申變酉 戌變丑

退神

子變亥 戌變未 酉變申 未變辰  
午變巳 辰變丑 卯變寅 丑變戌  
如遇進神吉者愈吉凶者愈凶如值退神吉凶皆平

以日辰主之

日辰為六爻之主宰衰弱者能助之強旺者能抑之發動者能制伏之伏藏者能振起之如忌神妄動用神休囚得日辰克制忌神生扶用神則萬事轉凶為吉矣

以月建輔之



月建亦能成事壞事與日辰同如忌神克用神遇月建克制忌神生扶用神則轉凶為吉矣然月建之禍福不過司權於月內不如日辰之不論遠近始終有權也

以太歲君之

本年太歲之爻曰歲君是天子之象若太歲一爻臨忌神發動來衝克世身用爻主災厄不利一歲之中必多殃咎若能生合世身用爻主有際遇一歲之中必多喜慶

其要以五行為本

乾為金 乾宮之卦皆屬金

坤為土 坤宮之卦皆屬土

震為木 震宮之卦皆屬木

巽為木 巽宮之卦皆屬木

坎為水 坎宮之卦皆屬水

離為火 離宮之卦皆屬火

艮為土 艮宮之卦皆屬土

兌為金 兌宮之卦皆屬金

右八卦五行

甲乙東方木 丙丁南方火 戊己中央土



庚辛西方金 壬癸北方水  
亥子水 寅卯木 巳午火 申酉金  
辰戌丑未土

右干支五行

甲子乙丑金 丙寅丁卯火 戊辰巳巳木  
庚午辛未土 壬申癸酉金 甲戌乙亥火  
丙子丁丑水 戊寅巳卯土 庚辰辛巳金  
壬午癸未木 甲申乙酉水 丙戌丁亥土  
戊子巳丑火 庚寅辛卯木 壬辰癸巳水  
甲午乙未金 丙申丁酉火 戊戌巳亥木

庚子辛丑土 壬寅癸卯金 甲辰乙巳火  
丙午丁未水 戊申己酉土 庚戌辛亥金  
壬子癸丑木 甲寅乙卯水 丙辰丁巳土  
戊午己未火 庚申辛酉木 壬戌癸亥水

右納音五行

有相生 金生水 水生木 木生火 火生土 土生金  
有相克 金克木 木克土 土克水 水克火 火克金  
有相合



甲與己合 乙與庚合 丙與辛合 丁與壬合

戊與癸合

子與丑合 寅與亥合 卯與戌合 辰與酉合

巳與申合 午與未合

申子辰合成水局 巳酉丑合成金局 寅午戌合

成火局 亥卯未合成木局

有相衝 子午衝 丑未衝 寅申衝 卯酉衝 辰戌衝

巳亥衝

有相刑 寅刑巳 巳刑申 申刑寅 丑刑戌 戌刑未

未刑丑 子刑卯 卯刑子 辰午丙亥自刑

寅刑巳 巳刑申 申刑寅 丑刑戌 戌刑未

未刑丑 子刑卯 卯刑子 辰午丙亥自刑

有相害 子與未害 丑與午害 寅與巳害

申與亥害 酉與戌害

有相扶 亥扶子 丑扶辰 寅扶卯 辰扶未 巳扶午

未扶戌 申扶酉

有相拱 子拱亥 卯拱寅 辰拱丑 午拱巳 未拱辰

子拱亥 卯拱寅

辰拱丑 午拱巳 未拱辰

子拱亥 卯拱寅 辰拱丑 午拱巳 未拱辰



酉拱申 戌拱未  
有王相休囚

春木王 申火相 土休 金囚

夏火王 丑土相 金休 水囚

秋金王 水相 木休 火囚

冬水王 木相 火休 土囚

有長生墓絕

如水長生於申則沐浴於酉冠帶於戌臨官於亥帝  
旺於子衰於丑病於寅死於卯墓於辰絕於巳胎於  
午養於未今詳列於左止言長生墓絕者舉重而言

凡卦必用者長生凡爻必究者墓絕

水 木 火 土 金

長生 申 亥 寅 申 巳

沐浴 酉 子 卯 酉 午

冠帶 戌 丑 辰 戌 未

臨官 亥 寅 巳 亥 申

帝旺 子 卯 午 子 酉

衰 丑 辰 未 丑 戌

病 寅 巳 申 寅 亥

死 卯 午 酉 卯 子



墓	辰	未	戌	辰	丑
絕	巳	申	亥	巳	寅
胎	午	酉	子	午	卯
養	未	戌	丑	未	辰

有祿馬羊刃

甲日祿馬在寅羊刃在卯乙日祿馬在卯羊刃在辰  
 丙戊日祿馬在巳羊刃在午丁巳日祿馬在午羊刃  
 在未庚日祿馬在申羊刃在酉辛日祿馬在酉羊刃  
 在戌壬日祿馬在亥羊刃在子癸日祿馬在子羊刃  
 在丑若人問年命家宅則以其人生年取之

有六獸

甲乙之日始青龍丙丁之日始朱雀庚辛之日始白  
 虎壬癸之日始元武戊日始句陳己日始騰蛇

上爻	五爻	四爻	三爻	二爻	初爻
甲	元武	白虎	騰蛇	句陳	朱雀
乙	元武	白虎	騰蛇	句陳	朱雀
丙	青龍	元武	白虎	騰蛇	句陳
丁	青龍	元武	白虎	騰蛇	句陳
戊	朱雀	青龍	元武	白虎	騰蛇
己	句陳	朱雀	青龍	元武	白虎
庚	騰蛇	句陳	朱雀	青龍	元武
辛	騰蛇	句陳	朱雀	青龍	元武
壬	白虎	騰蛇	句陳	朱雀	青龍
癸	白虎	騰蛇	句陳	朱雀	青龍



有十二神

十二神者貴人騰蛇朱雀六合句陳青龍天空白虎  
太常元武太陰天后也甲戌之日從丑起夜從未起  
乙己之日從子起夜從申起丙丁之日從亥起夜從  
酉起壬癸之日從卯起夜從巳起庚辛之日從寅起  
夜從午起凡從亥子丑寅卯起貴人則順行十二辰  
是為陽貴從巳午未申酉起貴人則逆行十二辰是  
為陰貴

旬有空

甲子旬 戊亥空

甲寅旬 子丑空

甲辰旬 寅卯空

甲午旬 辰巳空

甲申旬 午未空

甲戌旬 申酉空

月有破

正月建寅破申 二月建卯破酉

三月建辰破戌 四月建巳破亥

五月建午破子 六月建未破丑

七月建申破寅 八月建酉破卯



九月建戌破辰 十月建亥破巳

十一月建子破午 十二月建丑破未

游藝錄一

甲寅同	壬丑空
甲辰同	庚申空
甲午同	丙午空
甲申同	壬未空
甲戌同	庚酉空
甲子同	丙辰空
甲寅同	壬丑空

遁甲篇

游藝錄二

德清俞樾

遁甲之式先列八卦之方位

坎水正北 坤土西南 震木正東 巽木東南

乾金西北 兌金正西 艮土東北 離火正南

乃安九宮

一白坎宮 二黑坤宮 三碧震宮 四綠巽宮

五黃寄坤宮

六白乾宮 七赤兌宮 八白艮宮 九黃離宮

乃分八門

坎休門 坤死門 震傷門 巽杜門



乾開門 兌驚門 艮生門 離景門

乃列九星

坎天蓬 坤天芮 震天衝 巽天輔

中央天禽

乾天心 兌天柱 艮天任 離天英

乃以六儀三奇視冬夏陰陽而順逆布之為地盤

六儀

戊 甲子遁於六戊

己 甲戌遁於六己

庚 甲申遁於六庚

辛 甲午遁於六辛

壬 甲辰遁於六壬

癸 甲寅遁於六癸

三奇

乙 日奇

丙 月奇

丁 星奇

其布之之法冬至起坎一宮坎艮震巽四卦統十有二氣順行為陽遁順布六儀逆飛三奇夏至起離九宮離坤兌乾四卦統十有二氣逆行為陰遁逆布六儀順飛



三奇

八卦統二十四氣

坎 冬至 小寒 大寒

艮 立春 雨水 驚蟄

震 春分 清明 穀雨

巽 立夏 小滿 芒種

離 夏至 小暑 大暑

坤 立秋 處暑 白露

兌 秋分 寒露 霜降

乾 立冬 小雪 大雪

陽遁一局 戊至癸順 乙至丁逆

陰遁九局 戊至癸逆 乙至丁順

坎一宮 戊子

離九宮 戊子

坤二宮 己戌

艮八宮 己戌

震三宮 庚申

兌七宮 庚申

巽四宮 辛午

乾六宮 辛午

中五宮 壬辰

中五宮 壬辰

乾六宮 癸寅

巽四宮 癸寅

兌七宮 丁未

震三宮 丁未

艮八宮 丙申

坤二宮 丙申

離九宮 乙酉

坎一宮 乙酉



陽遁一局

坤二宮	震三宮	巽四宮	中五宮	乾六宮	兌七宮	艮八宮	離九宮	坎一宮
戊 <small>甲子</small>	己 <small>甲戌</small>	庚 <small>甲申</small>	辛 <small>甲午</small>	壬 <small>甲辰</small>	癸 <small>甲寅</small>	丁	丙	乙

陰遁八局

艮八宮	兌七宮	乾六宮	中五宮	巽四宮	震三宮	坤二宮	坎一宮	離九宮
戊 <small>甲子</small>	己 <small>甲戌</small>	庚 <small>甲申</small>	辛 <small>甲午</small>	壬 <small>甲辰</small>	癸 <small>甲寅</small>	丁	丙	乙

陽遁三局

震三宮	巽四宮	中五宮	乾六宮	兌七宮	艮八宮	離九宮	坎一宮	坤二宮
戊 <small>甲子</small>	己 <small>甲戌</small>	庚 <small>甲申</small>	辛 <small>甲午</small>	壬 <small>甲辰</small>	癸 <small>甲寅</small>	丁	丙	乙

陰遁七局

兌七宮	乾六宮	中五宮	巽四宮	震三宮	坤二宮	坎一宮	離九宮	艮八宮
戊 <small>甲子</small>	己 <small>甲戌</small>	庚 <small>甲申</small>	辛 <small>甲午</small>	壬 <small>甲辰</small>	癸 <small>甲寅</small>	丁	丙	乙



陽遁四局

巽四宮	中五宮	乾六宮	兌七宮	艮八宮	離九宮	坎一宮	坤二宮	震三宮
戊 <small>子甲</small>	己 <small>戌甲</small>	庚 <small>申甲</small>	辛 <small>午甲</small>	壬 <small>辰甲</small>	癸 <small>寅甲</small>	丁	丙	乙

陰遁六局

乾六宮	中五宮	巽四宮	震三宮	坤二宮	坎一宮	離九宮	艮八宮	兌七宮
戊 <small>子甲</small>	己 <small>戌甲</small>	庚 <small>申甲</small>	辛 <small>午甲</small>	壬 <small>辰甲</small>	癸 <small>寅甲</small>	丁	丙	乙

陽遁五局

中五宮	乾六宮	兌七宮	艮八宮	離九宮	坎一宮	坤二宮	震三宮	巽四宮
戊 <small>子甲</small>	己 <small>戌甲</small>	庚 <small>申甲</small>	辛 <small>午甲</small>	壬 <small>辰甲</small>	癸 <small>寅甲</small>	丁	丙	乙

陰遁五局

中五宮	巽四宮	震三宮	坤二宮	坎一宮	離九宮	艮八宮	兌七宮	乾六宮
戊 <small>子甲</small>	己 <small>戌甲</small>	庚 <small>申甲</small>	辛 <small>午甲</small>	壬 <small>辰甲</small>	癸 <small>寅甲</small>	丁	丙	乙



陽遁六局

乾六宮	兌七宮	艮八宮	離九宮	坎一宮	坤二宮	震三宮	巽四宮	中五宮
戊 <small>子甲</small>	己 <small>戌甲</small>	庚 <small>申甲</small>	辛 <small>午甲</small>	壬 <small>辰甲</small>	癸 <small>寅甲</small>	丁	丙	乙

陰遁四局

巽四宮	震三宮	坤二宮	坎一宮	離九宮	艮八宮	兌七宮	乾六宮	中五宮
戊 <small>子甲</small>	己 <small>戌甲</small>	庚 <small>申甲</small>	辛 <small>午甲</small>	壬 <small>辰甲</small>	癸 <small>寅甲</small>	丁	丙	乙

陽遁七局

兌七宮	艮八宮	離九宮	坎一宮	坤二宮	震三宮	巽四宮	中五宮	乾六宮
戊 <small>子甲</small>	己 <small>戌甲</small>	庚 <small>申甲</small>	辛 <small>午甲</small>	壬 <small>辰甲</small>	癸 <small>寅甲</small>	丁	丙	乙

陰遁三局

震三宮	坤二宮	坎一宮	離九宮	艮八宮	兌七宮	乾六宮	中五宮	巽四宮
戊 <small>子甲</small>	己 <small>戌甲</small>	庚 <small>申甲</small>	辛 <small>午甲</small>	壬 <small>辰甲</small>	癸 <small>寅甲</small>	丁	丙	乙



陽遁八局

艮八宮	離九宮	坎一宮	坤二宮	震三宮	巽四宮	中五宮	乾六宮	兌七宮
戊 <small>子甲</small>	己 <small>戌甲</small>	庚 <small>申甲</small>	辛 <small>午甲</small>	壬 <small>辰甲</small>	癸 <small>寅甲</small>	丁	丙	乙

陰遁二局

坤二宮	坎一宮	離九宮	艮八宮	兌七宮	乾六宮	中五宮	巽四宮	震三宮
戊 <small>子甲</small>	己 <small>戌甲</small>	庚 <small>申甲</small>	辛 <small>午甲</small>	壬 <small>辰甲</small>	癸 <small>寅甲</small>	丁	丙	乙

陽遁九局

離九宮	坎一宮	坤二宮	震三宮	巽四宮	中五宮	乾六宮	兌七宮	艮八宮
戊 <small>子甲</small>	己 <small>戌甲</small>	庚 <small>申甲</small>	辛 <small>午甲</small>	壬 <small>辰甲</small>	癸 <small>寅甲</small>	丁	丙	乙

陰遁一局

坎一宮	離九宮	艮八宮	兌七宮	乾六宮	中五宮	巽四宮	震三宮	坤二宮
戊 <small>子甲</small>	己 <small>戌甲</small>	庚 <small>申甲</small>	辛 <small>午甲</small>	壬 <small>辰甲</small>	癸 <small>寅甲</small>	丁	丙	乙



乃以甲己二幹為符頭值子午卯酉為上元值寅申巳亥為中元值辰戌丑未為下元

甲子日起上元越五日己巳起中元又越五日甲戌起下元又越五日己卯復起上元如上元起坎一宮歷坤二震三巽四中五乾六而甲子一周則於兌七宮起中元歷艮八離九坎一坤二震三而甲子一周則於巽四宮起下元

陽遁	上元	中元	下元
冬至	坎一	兌七	巽四
小寒	坤二	艮八	中五

大寒	震三	離九	乾六
立春	艮八	中五	坤二
雨水	離九	乾六	震三
驚蟄	坎一	兌七	巽四
春分	震三	離九	乾六
清明	巽四	坎一	兌七
穀雨	中五	坤二	艮八
立夏	巽四	坎一	兌七
小滿	中五	坤二	艮八
芒種	乾六	震三	離九



陰遁	上元	中元	下元
夏至	離九	震三	乾六
小暑	艮八	坤二	中五
大暑	兌七	坎一	巽四
立秋	坤二	中五	艮八
處暑	坎一	巽四	兌七
白露	離九	震三	乾六
秋分	兌七	坎一	巽四
寒露	乾六	離九	震三
霜降	中五	艮八	坤二

立冬	乾六	離九	震三
小雪	中五	艮八	坤二
大雪	巽四	兌七	坎一

有超神有接氣有置閏

超神者謂節氣未到而甲子己卯甲午己酉四上元之符頭先到如正月初一日立春而上年十二月二十五日己是甲子即以此二十五日甲子作立春上元正月初一日為中元初六日為下元

接氣者謂甲子己卯甲午己酉四上元之符頭未到而節氣先到如三月初一日立春而初五日方是甲



子則初一至初四仍行大寒下元至初五日方行立春上元  
置閏之法惟施之芒種大雪二節之後冬至夏至二  
至之前遇超神至九日十日十一日則置閏局如壬  
申日夏至溯甲子上元已超九日矣乃於芒種節置  
閏蓋二十三日前已酉卽爲芒種上元甲寅中元己  
未下元至癸亥則芒種三局已足矣自甲子至壬申  
爲期太遠故甲子日不作夏至上元而爲芒種閏局  
上元己巳爲芒種閏局中元甲戌爲芒種閏局下元  
至己卯始爲夏至上元

乃就所用之時求其榦以其旬首之六甲觀其所在之  
宮以其星爲直符以其門爲直使

時者古用所值之正時今或任舉一時用之欲求其  
榦當用日上起時法

甲己日 始甲子

乙庚日 始丙子

丙辛日 始戊子

丁壬日 始庚子

戊癸日 始壬子

自甲至戊自己至癸各五日爲時各六十而六甲一



周六甲者十時之首是爲旬首

乙丑至癸酉 旬首 甲子

乙亥至癸未 旬首 甲戌

乙酉至癸巳 旬首 甲申

乙未至癸卯 旬首 甲午

乙巳至癸丑 旬首 甲辰

乙卯至癸亥 旬首 甲寅

其所在之宮星卽直符門卽直使

旬首在坎 天蓬直符 休門直使

旬首在坤 天芮直符 死門直使

旬首在震 天衝直符 傷門直使

旬首在巽 天輔直符 杜門直使

旬首在中 天禽直符 死門直使

旬首在乾 天心直符 開門直使

旬首在兌 天柱直符 驚門直使

旬首在艮 天任直符 生門直使

旬首在離 天英直符 景門直使

乃加直符於時幹加直使於時支而爲天盤

直符

如陽遁一局甲子時天蓬直符不動所爲伏吟也



若用乙丑時乙在離宮即以天蓬加離宮若用丙寅時丙在艮宮即以天蓬加艮宮餘視此陰遁同直使

如陽遁一局甲子時休門直使不動所謂伏吟也若用乙丑時則以休門加二宮若用丙寅時則以休門加三宮餘視此陰遁則逆布如陰遁九局甲子在九宮丑則八宮寅則七宮

凡陽遁五百四十局始坎一訖中五陰遁五百四十局始離九訖中五

陽遁五百四十局

甲乙丙丁戊己庚辛壬癸

子丑寅卯辰巳午未申酉

休蓬

一三三四五五六七八九一  
一九八七一二三四五六

戊亥子丑寅卯辰巳午未

死芮

二三四五六七八九一二  
二九八七一二三四五六

申酉戌亥子丑寅卯辰巳

傷衝

三四五六七八九一二三  
三九八七一二三四五六

午未申酉戌亥子丑寅卯

杜輔

四五六七八九一二三四  
四九八七一二三四五六

辰巳午未申酉戌亥子丑



死 五六七八九一二三四五

禽 五九八七一二三四五六

開心 六七八九一二三四五六  
六九八七一二三四五六

右第一局

子丑寅卯辰巳午未申酉

死 二三四五六七八九一二  
二一九八二三四五六七

戌亥子丑寅卯辰巳午未

傷衝 三四五六七八九一二三  
三一八九二三四五六七

申酉戌亥子丑寅卯辰巳

杜輔 四五六七八九一二三四  
四一九八二三四五六七

午未申酉戌亥子丑寅卯

死 五六七八九一二三四五  
五一九八二三四五六七

辰巳午未申酉戌亥子丑

開心 六七八九一二三四五六  
六一八九二三四五六七

寅卯辰巳午未申酉戌亥

驚柱 七八九一二三四五六七  
七一九八二三四五六七

右第二局

子丑寅卯辰巳午未申酉

傷衝 三四五六七八九一二三  
三二一九三四五六七八

戌亥子丑寅卯辰巳午未



軸杜	四五六七八九一二三四
申酉戌亥子丑寅卯辰巳	
禽死	五六七八九一二三四五
午未申酉戌亥子丑寅卯	
心開	六七八九一二三四五六
辰巳午未申酉戌亥子丑	
鷺柱	七八九一二三四五六七
寅卯辰巳午未申酉戌亥	
任生	八九一二三四五六七八
寅卯辰巳午未申酉戌亥	

右第三局

軸杜	四五六七八九一二三四
子丑寅卯辰巳午未申酉	
輔	四三二一四五六七八九
戌亥子丑寅卯辰巳午未	
禽死	五六七八九一二三四五
申酉戌亥子丑寅卯辰巳	
心開	六七八九一二三四五六
午未申酉戌亥子丑寅卯	
鷺柱	七八九一二三四五六七
辰巳午未申酉戌亥子丑	
任生	八九一二三四五六七八
辰巳午未申酉戌亥子丑	



景 寅卯辰巳午未申酉戌亥  
九一二三四五六七八九  
英 九三二一四五六七八九

右第四局

子丑寅卯辰巳午未申酉  
死 五六七八九一二三四五  
禽 五四三二五六七八九一  
戌亥子丑寅卯辰巳午未  
開 六七八九一二三四五六  
心 六四三二五六七八九一  
申酉戌亥子丑寅卯辰巳  
驚 七八九一二三四五六七  
柱 七四三二五六七八九一  
午未申酉戌亥子丑寅卯

生 八九一二三四五六七八  
任 八四三二五六七八九一

辰巳午未申酉戌亥子丑

景 九一二三四五六七八九  
英 九四三二五六七八九一

寅卯辰巳午未申酉戌亥

休 一二三四五六七八九一  
蓬 一四三二五六七八九一

右第五局

子丑寅卯辰巳午未申酉  
開 六七八九一二三四五六  
心 六五四三六七八九一二  
戌亥子丑寅卯辰巳午未  
驚 七八九一二三四五六七  
柱 七五四三六七八九一二



申酉戌亥子丑寅卯辰巳

任生 八九一三三六七八九一二

午未申酉戌亥子丑寅卯

景英 九一二三四五六七八九一二

辰巳午未申酉戌亥子丑

休蓬 一二三四五六七八九一二

寅卯辰巳午未申酉戌亥

死芮 二三四五六七八九一二二

子丑寅卯辰巳午未申酉

右第六局

驚柱 七八九一二三四五六七

戌亥子丑寅卯辰巳午未

生任 八九一二三四五六七八

申酉戌亥子丑寅卯辰巳

景英 九一二三四五六七八九

午未申酉戌亥子丑寅卯

休蓬 一二三四五六七八九一

辰巳午未申酉戌亥子丑

死芮 二三四五六七八九一二

寅卯辰巳午未申酉戌亥



傷衝

三四五六七八九一二三  
三六五四七八九一二三

右第七局

生任

子丑寅卯辰巳午未申酉  
八九一二三四五六七八  
八七六五八九一二三四

戌亥子丑寅卯辰巳午未

景英

九一二三四五六七八九  
九七六五八九一二三四

申酉戌亥子丑寅卯辰巳

休蓬

一二三四五六七八九一  
一七六五八九一二三四

午未申酉戌亥子丑寅卯

死芮

二三四五六七八九一二  
二七六五八九一二三四

傷衝

辰巳午未申酉戌亥子丑  
三四五六七八九一二三  
三七六五八九一二三四

寅卯辰巳午未申酉戌亥

杜輔

四五六七八九一二三四  
四七六五八九一二三四

右第八局

子丑寅卯辰巳午未申酉

景英

九一二三四五六七八九  
九八七六九一二三四五

戌亥子丑寅卯辰巳午未

休蓬

一二三四五六七八九一  
一八七六九一二三四五

申酉戌亥子丑寅卯辰巳



死 二三四五六七八九一二  
二八七六九一二三四五

午未申酉戌亥子丑寅卯

傷 三四五六七八九一二三  
三八七六九一二三四五

辰巳午未申酉戌亥子丑

杜 四五六七八九一二三四  
四八七六九一二三四五

寅卯辰巳午未申酉戌亥

死 五六七八九一二三四五  
五八七六九一二三四五

右第九局

陰遁五百四十局

甲乙丙丁戊己庚辛壬癸

子丑寅卯辰巳午未申酉

景 九八七六五四三二一九  
九一二三三九九八七六五四

戌亥子丑寅卯辰巳午未

生 八七六五四三二一九八  
九一二三三九九八七六五四

申酉戌亥子丑寅卯辰巳

驚 七六五四三二一九八七  
七一二三三九九八七六五四

午未申酉戌亥子丑寅卯

開 六五四三二一九八七六  
六一二二三九九八七六五四

辰巳午未申酉戌亥子丑

死 五四三二一九八七六五  
五一二二三九九八七六五四



寅卯辰巳午未申酉戌亥  
輔杜 四三二一九八七六五四  
四一二三九八七六五四

右第九局

子丑寅卯辰巳午未申酉

生任 八七六五四三二一九八  
八九一二八七六五四三

戌亥子丑寅卯辰巳午未

驚柱 七六五四三二一九八七  
七九一二八七六五四三

申酉戌亥子丑寅卯辰巳

開心 六五四三二一九八七六  
六九一二八七六五四三

午未申酉戌亥子丑寅卯

死禽 五四三二一九八七六五  
五九一二八七六五四三

辰巳午未申酉戌亥子丑

杜輔 四三二一九八七六五四  
四九一二八七六五四三

寅卯辰巳午未申酉戌亥

傷衝 三二一九八七六五四三  
三九一二八七六五四三

右第八局

子丑寅卯辰巳午未申酉

驚柱 七六五四三二一九八七  
七八九一七六五四三二

戌亥子丑寅卯辰巳午未

開心 六五四三二一九八七六  
六八九一七六五四三二

六八九一七六五四三二



申酉戌亥子丑寅卯辰巳

死 五四三二一九八七六五

午未申酉戌亥子丑寅卯

杜 四三二一九八七六五四

辰巳午未申酉戌亥子丑

傷 三二一九八七六五四三

寅卯辰巳午未申酉戌亥

死 二一九八七六五四三二

右第七局

子丑寅卯辰巳午未申酉

開 六五四三二一九八七六

戊亥子丑寅卯辰巳午未

死 五四三二一九八七六五

申酉戌亥子丑寅卯辰巳

杜 四三二一九八七六五四

午未申酉戌亥子丑寅卯

傷 三二一九八七六五四三

辰巳午未申酉戌亥子丑

死 二一九八七六五四三二

寅卯辰巳午未申酉戌亥



休蓬

一九八七六五四三二一  
一七八九六五四三二一

右第六局

死禽

子丑寅卯辰巳午未申酉  
五四三二一九八七六五  
五六七八五四三二一九

戌亥子丑寅卯辰巳午未

杜輔

四三二一九八七六五四  
四六七八五四三二一九

申酉戌亥子丑寅卯辰巳

傷衝

三二一九八七六五四三  
三六七八五四三二一九

午未申酉戌亥子丑寅卯

死芮

二一九八七六五四三二  
二六七八五四三二一九

休蓬

辰巳午未申酉戌亥子丑  
一九八七六五四三二一  
一六七八五四三二一九

寅卯辰巳午未申酉戌亥

景英

九八七六五四三二一九  
九六七八五四三二一九

右第五局

子丑寅卯辰巳午未申酉

杜輔

四三二一九八七六五四  
四五六七四三二一九八

戌亥子丑寅卯辰巳午未

傷衝

三二一九八七六五四三  
三五六七四三二一九八

申酉戌亥子丑寅卯辰巳



驚	生	景	休	死	傷
七 六 五 四 三 二 一	八 七 六 五 四 三 二 一	九 八 七 六 五 四 三 二 一	一 四 五 六 三 二 一	二 一 九 八 七 六 五 四 三 二	三 二 一 九 八 七 六 五 四 三
柱	任	英	蓬	芮	衝
寅卯辰巳午未申酉戌亥	辰巳午未申酉戌亥子丑	寅卯辰巳午未申酉戌亥	午未申酉戌亥子丑寅卯	戊亥子丑寅卯辰巳午未	子丑寅卯辰巳午未申酉

驚	生	景	休	死	傷
七 六 五 四 三 二 一	八 七 六 五 四 三 二 一	九 八 七 六 五 四 三 二 一	一 四 五 六 三 二 一	二 一 九 八 七 六 五 四 三 二	三 二 一 九 八 七 六 五 四 三
柱	任	英	蓬	芮	衝
寅卯辰巳午未申酉戌亥	辰巳午未申酉戌亥子丑	寅卯辰巳午未申酉戌亥	午未申酉戌亥子丑寅卯	戊亥子丑寅卯辰巳午未	子丑寅卯辰巳午未申酉

藝二

三



右第三局

子丑寅卯辰巳午未申酉

死 二一九八七六五四三二  
二三四五二一九八七六

戌亥子丑寅卯辰巳午未

休 一九八七六五四三二一  
一三四五二一九八七六

申酉戌亥子丑寅卯辰巳

景 九八七六五四三二一九  
九三四五二一九八七六

午未申酉戌亥子丑寅卯

生 八七六五四三二一九八  
八三四五二一九八七六

辰巳午未申酉戌亥子丑

驚 七六五四三二一九八七  
七三四五二一九八七六  
開 六五四三二一九八七六  
六三四五二一九八七六  
心

右第二局

子丑寅卯辰巳午未申酉

休 一九八七六五四三二一  
一三四五二一九八七六

戌亥子丑寅卯辰巳午未

景 九八七六五四三二一九  
九二三四一九八七六五

申酉戌亥子丑寅卯辰巳

生 八七六五四三二一九八  
八二三四一九八七六五



午未申酉戌亥子丑寅卯

驚 七六五四三二一九八七  
柱 七二三四一九八七六五

辰巳午未申酉戌亥子丑

開 六五四三二一九八七六  
心 六二三四一九八七六五

寅卯辰巳午未申酉戌亥

死 五四三二一九八七六五  
禽 五二三四一九八七六五

右第一局

陰陽二遁各於首行直列甲乙丙丁戊己庚辛壬  
癸十字其後止書地支不書天榦從省也上方橫  
列休蓬死芮等字其下止書一二三四等數亦從

省也觀者各依其格求之則知陽遁一局甲子時

休門天蓬星皆在坎一乙丑時休門在坤二天蓬

星在離九陰遁九局甲子時景門天英星皆在離

九乙丑時景門在艮八天英星在坎一以類而推

至陽遁九局陰遁一局癸亥時死門天禽星皆在

中五而五百四十局犁然在目矣

乃從直符所臨之宮而加入神陽順陰逆

一青龍 二騰蛇 三太陰 四六合

五勾陳 六朱雀 七九地 八九天

右陽遁八神順行



一青龍 二九天 三九地 四朱雀  
五句陳 六六合 七太陰 八騰蛇  
一右陰遁八神逆行

乃審厥時

甲乙丙丁戊為陽時利為客宜先舉己庚辛壬癸為陰時利為主宜後應

乃觀厥門

冬至休門旺立春生門旺春分傷門旺立夏杜門旺夏至景門旺立秋死門旺秋分驚門旺立冬開門旺周而復始

開門宜征討入官見貴應舉嫁娶移徙商賈營建休門宜入官見貴嫁娶移徙商賈營建生門宜征討入官見貴嫁娶移徙傷門宜漁獵索逋負歛貨財杜門宜捕盜賊填溝壑景門宜上書獻策招賢謁貴拜職遣使死門宜決獄弔喪埋葬驚門宜捕盜賊

乃視厥星

天蓬天衝天輔天任為陽星天芮天禽天心天柱天英為陰星  
天衝天輔天任天禽天心五星吉天蓬天芮天柱天英四星凶



天蓬星宐安撫邊境修築城池天任星宐立國邑治  
人民入官見貴求請應舉商賈嫁娶天衝星宐征伐  
戰鬪報怨酬恩天輔星宐修道設教誅凶伐暴入官  
見貴嫁娶移徙商賈營建應舉謀望天禽星宐祭祀  
祈福入官見貴錫爵賞功應舉謀望嫁娶移徙商賈  
營建天英星宐上官見貴應舉報書天芮星宐崇尚  
道德尊師親友入官見貴嫁娶移徙商賈營建天柱  
星宐修築營壘訓練士卒天心星宐興師誅暴入官  
應舉嫁娶移徙商賈營建

乃徵厥神

青龍亦曰直符稟中央土為貴人之位騰蛇稟南方  
火為虛耗之神太陰稟西方金為陰祐之神六合稟  
東方木為護衛之神勾陳稟西方金為剛猛之神朱  
雀稟北方水為刑戮好讒之神九土坤土之象萬物  
之母為陰晦之神九天乾金之象萬物之父為顯揚  
之神

乃演為卦以斷吉凶

直符直使演卦之法

以地盤直符所在之宮為內卦天盤直使所在之  
宮為外卦如陽遁一局甲戌旬辛巳時地盤直符



在坤二宮天盤直使在離九宮即演成火地晉卦  
餘視此

門方演卦之法

以八卦方位震東兌西離南坎北巽東南艮東北  
乾西南坤西北為外卦以休一死二傷三杜四開  
六驚七生八景九八門所臨為內卦如陽遁一局  
丁卯時此時休門直使到巽四宮則東南即為水  
東風井卦死門到乾六宮則西北即為地天泰卦傷  
火門到兌七宮則正西即為雷澤歸妹卦杜門到艮  
八宮則東北即為風山漸卦開門到離九宮則正

六正南即為天火同人卦驚門到坎一宮則正北即為  
凡占澤水困卦生門到坤二宮則西南即為山地剝卦  
正景門到震三宮則正東即為火雷噬嗑卦

游藝錄二

二月建卯辰在降裏戌位以戌為將曰河魁  
四月建巳辰在實沈申位以申為將曰傳送  
五月建午辰在鶉首未位以未為將曰小吉  
六月建未辰在鶉火午位以午為將曰勝光  
七月建申辰在鶉尾巳位以巳為將曰太乙  
八月建酉辰在壽星辰位以辰為將曰天罡



在坤二包天盤直使在離九宮即成火地

餘視此

門方演卦之法  
以八卦方位震東兌西離南坎北巽東南艮東北

乾西南坤西北為外卦以休一死二傷三仕四開

遊藝錄二七生八景九八門所歸為內卦如陽遁一局

丁卯時此時休門直使到巽四宮則東南即為水

景門旺震三宮限五東明為火雷剝剝卦泰卦傷

戰水困卦主門旺艮二宮限西南明為山澤蹇卦

南明為天火同人卦巽門旺離一宮限五北明為

六壬篇 占之游藝錄三 德清俞樾

凡占六壬先定月將

正月建寅辰在嫩訾亥位以亥為將曰登明

二月建卯辰在降婁戌位以戌為將曰河魁

三月建辰辰在大梁酉位以酉為將曰從魁

四月建巳辰在實沈申位以申為將曰傳送

五月建午辰在鶉首未位以未為將曰小吉

六月建未辰在鶉火午位以午為將曰勝光

七月建申辰在鶉尾巳位以巳為將曰太乙

八月建酉辰在壽星辰位以辰為將曰天罡





九月建戌辰在大火卯位以卯為將曰太衝  
 十月建亥辰在析木寅位以寅為將曰功曹  
 十一月建子辰在星紀丑位以丑為將曰大吉  
 十二月建丑辰在元枵子位以子為將曰神后  
 次定地盤

申酉戌亥  
 未子  
 午丑  
 巳辰卯寅

乃以所占之時從地盤本位起本月月將順行之而定

天盤

如所占之時為卯本月月將為子則於地盤卯上起  
 子時卯上子辰上丑巳上寅午上卯未上辰申上巳  
 西上午戌上未亥上申子上酉丑上戌寅上亥餘視  
 此

巳午未申  
 辰酉  
 卯戌  
 寅丑子亥

乃以本日幹枝用十幹寄宮法而取四課



十幹寄宮法

甲寄寅宮 乙寄辰宮 丙寄巳宮 丁寄未宮  
戊寄巳宮 己寄未宮 庚寄申宮 辛寄戌宮  
壬寄亥宮 癸寄丑宮

假如本日為甲子以甲字書於天盤之上按寄宮法  
甲寄寅宮依前卯時子將地盤寅上是亥即以亥字  
書於甲字之上得亥甲二字是為一課乃以亥字書  
於甲字之左地盤亥上是申即以申字書於亥字之  
上得申亥二字是為二課乃以子字書於亥字之左  
地盤子上是酉即以酉字書於子字之上得酉子二

字是為三課乃以酉字書於子字之左地盤酉上是  
午即以午字書於酉字之上得午酉二字是謂四課

亥甲 巳午未申

申亥 辰辰酉

酉子 卯戌

午酉 寅丑子亥

四課既成乃取三傳其式有九曰賊克曰比用曰涉害  
曰遙克曰昴星曰伏吟曰返吟曰別責曰八專

賊克者取四課中下克上者為用無則以上克下者  
為用皆用上不用下如前課亥甲申亥酉子俱無克



惟午酉火克金是上克下宜以午爲用書午字於四課之上卽初傳也地盤午上卯書卯字於午字之下爲中傳卯上子書子字於卯字之下爲末傳其下克上者視此上克下名元首下克上名重審

比用者以四課中上下相克非一則就相克之中取與日干相比者爲用如甲陽日用子寅等陽支乙陰日用丑卯等陰支皆名比用亦名知一

涉害者以四課中上下相克非一而與日干或俱比或俱不比則各就所克之處歷歸本位上克者以克我多者爲用下克者以我所克者多爲用如以酉金

論逢巳火午火及巳下寄宮之丙火未下寄宮之丁火皆克我者也逢寅木卯木及寅下寄宮之甲木辰下寄宮之乙木皆我所克者也擇其克多者而用之是名涉害

如涉害淺深相等則以地盤上當寅巳申亥四孟者爲用是名見機

如無當四孟者則以當子午卯酉四仲者爲用是名察微

如又無當四仲者或孟仲相等則陽日取干上之神爲用如前課甲上之亥是也陰日取支上之神爲用



如前課子上之酉是也是名縱瑕  
遙克者四課俱無上下克則取四課上神來克日干  
者爲用是名蒿矢無則以日干所克之神爲用是名  
彈射若兩神克日或日克兩神仍依比用之例  
昴星者四課俱備而無上下克又無遙克則取昴星  
爲用如陽日用地盤酉上之支是名虎視陰日用天  
盤酉下之支是名冬蛇掩日

伏吟者天地盤皆同也所取三傳止是一字故取之  
於刑衝刑者寅刑巳巳刑申申刑寅丑刑戌戌刑未  
未刑丑子刑卯卯刑子辰午酉亥自刑也衝者子衝

午丑衝未寅衝申卯衝酉辰衝戌巳衝亥也遇此課  
者仍依上克下克遙克之例取初傳中取初刑末取  
中刑如初自刑則取支上神爲中中刑爲末如中又  
自刑則取中衝爲末是曰不虞

如其無克陽日取干上神爲初傳初刑爲中中刑爲  
末是名自任陰日取支上神爲初傳初刑爲中中刑  
爲末是名自信如初自刑陽日則取支上神爲中傳  
陰日則取干上神爲中傳如中又自刑則皆取中衝  
爲末傳是名杜傳

返吟者以天盤地盤子居午位午居子位三傳皆衝



故名返吟遇此課者得改用中刑爲末傳中自刑仍用衝

若辛未丁未己未辛丑丁丑己丑六日遇此課而無克者得取驛馬爲用凡驛馬申子辰居寅寅午戌居申巳酉丑居亥卯亥未居巳如辛未日驛馬在巳則以巳爲初傳中取支上神末取干上神是名無親別責者四課不全止得二課無上下克無遙克則別責合神爲用陽日取干上之合神凡甲與己合乙與庚合丙與辛合丁與壬合戊與癸合如己日用甲甲寄寅宮依前卯時子將則寅上是亥卽以亥爲初傳

中末俱用干上之神陰日則取支前三合爲用如子日越丑寅卯取辰爲初傳辰日越巳午未取申爲初傳申子辰三合也亥日越子丑寅取卯爲初傳卯日越辰巳午取未爲初傳亥卯未三合也中末俱用干上之神

入專者止有二課而干支同位支上之神卽干上之神於是有克取克無克不取遙克剛日則以第一課上神在天盤順數三神爲初傳子則寅寅則辰也柔日則以第四課上神在天盤逆數三神爲初傳子則戌戌則申也其中末俱用干上之神若順數逆數而



俱同干上之神則三傳皆歸一神是為獨足凡事不利

四課既成三傳既得欲得其餘則以旬餘日餘求之

旬餘 丙寅日占事則用甲子旬內之干子則甲子丑則

乙丑丙子日占事則用甲戌旬內之干戌則甲戌

亥則乙亥餘視此

日餘

甲己之日從甲子起乙庚之日從丙子起丙辛之

日從戊子起丁壬之日從庚子起戊癸之日從壬

子起

乃以日辰起貴神以晝夜別陽貴陰貴陽貴順行陰貴

逆行

十二貴神

貴人 土 騰蛇 火 朱雀 火 六合 木 句陳 土 青龍 木

天空 土 白虎 金 太常 土 元武 水 太陰 金 天后 水

甲戌之日

丑寅卯辰巳午未申酉戌亥子

貴騰朱六句青空白常元陰后

乙己之日



子丑寅卯辰巳午未申酉戌亥  
貴騰朱六句青空白常元陰后

丙丁之日

亥子丑寅卯辰巳午未申酉戌  
貴騰朱六句青空白常元陰后

庚辛之日

寅卯辰巳午未申酉戌亥子丑  
貴騰朱六句青空白常元陰后

壬癸之日

卯辰巳午未申酉戌亥子丑寅

貴騰朱六句青空白常元陰后

右陽貴順行

甲戌之夜

未午巳辰卯寅丑子亥戌酉申  
貴騰朱六句青空白常元陰后

乙巳之夜

申未午巳辰卯寅丑子亥戌酉  
貴騰朱六句青空白常元陰后

丙丁之夜

酉申未午巳辰卯寅丑子亥戌



貴騰朱六句青空白常元陰后

庚辛之夜

午巳辰卯寅丑子亥戌酉申未

貴騰朱六句青空白常元陰后

壬癸之夜

巳辰卯寅丑子亥戌酉申未午

貴騰朱六句青空白常元陰后

右陰貴逆行

貴神既定乃求陰神

十二貴神中惟天乙貴人晝夜互為陰陽如甲日貴

人乘丑則未為陰神甲夜貴人乘未則丑為陰神其餘各以本家所乘為陰神如騰蛇乘申而臨子則申上之辰為騰蛇之陰神朱雀乘酉而臨丑則酉上之辰為朱雀之陰神

凡占小兒之病及物怪視騰蛇之陰神占婚姻及子孫視六合之陰神占考選及文移書問視朱雀之陰神占詞訟視句陳之陰神占財利視青龍之陰神占奴僕視天空之陰神占疾病視白虎之陰神占宴會視太常之陰神占捕獲賊盜視元武之陰神占婢妾視太陰之陰神占婦人之病及求妻視天后之陰神



占斷之法先視所占之時

所占之時或為日之德合或為辰之刑衝傳課未成  
吉凶先見

次視月將

凡占以月將加所占之時分四課之陰陽別三傳之  
生克

次視日干日支

凡占以日干為人日支為事

次視二傳

初傳為事之始傳吉事吉傳凶事凶禍福之端皆從

此發

中傳為事之中初吉中凶則事由吉而凶初凶中吉  
則事由凶而吉

末傳為終初中雖凶末傳吉事終有成初中雖吉末  
傳凶事終有悔

次視年命

命者人受生之年所值之支也子年生子為本命丑  
年生丑為本命年者行年所到之宮也其法男從所  
生年之六甲旬首順行三位而起一歲女從所生年  
之六甲旬首逆行五位而起一歲甲子旬男起丙寅



女起壬申甲戌旬男起丙子女起壬午甲申旬男起  
 丙戌女起壬辰甲午旬男起丙申女起壬寅甲辰旬  
 男起丙午女起壬子甲寅旬男起丙辰女起壬戌皆  
 數至本年如干歲而止男則順數女則逆數傳有一  
 定之吉凶人有各殊之年命傳財本吉年命見官鬼  
 而成凶傳鬼本凶年命見子孫而成吉  
 乃以十二神之善惡

龍合為最吉之神太常次之虎蛇為至凶之神元句  
 次之天乙雖貴黎度難當后陰平和惟嫌幽暗朱雀  
 文字之祥所防者口舌天空吉凶無成獨立於奏對

大抵吉將雖吉而受制則不為吉凶將雖凶而被克  
 則不能凶是故吉將以生合日干而吉者愈吉凶將  
 以刑克日干而凶者加凶

五行之生克

水生木 木生火 火生土 土生金 金生水  
 水克火 火克金 金克木 木克土 土克水  
 甲乙之日見庚辛申酉為金克木丙丁之日見壬癸  
 亥子為水克火戊己之日見甲乙寅卯為木克土庚  
 辛之日見丙丁巳午為火克金壬癸之日見戊己辰  
 戌丑未為土克水是為官鬼鬼者賊害之神傳中多



鬼事事不美惟有官人占官祿士人占科名婦人占夫則用之餘非宜也若日干王相及傳中干支或年命見子孫救之則鬼不為害若貴德臨身制鬼則返凶為吉

凡支上神發用為日干之鬼主家人暗害若鬼臨日干得支上神救之主災禍自外來家人解救

四時之王相

春	木王	火相	土死	金休	水囚
夏	火王	土相	金死	水囚	木休
秋	金王	水相	木死	火囚	土休

冬 水王 木相 火死 土囚 金休

四 季 土王 金相 水死 木囚 火休

若小事則以日干為主如甲乙之日木王丙丁之日火王戊己之日土王庚辛之日金王壬癸之日水王相死休囚各從其日

及德合刑衝破害長生墓祿大德大煞生氣死氣驛馬天馬之屬斷其吉凶

德

天德

正月 丁未 二月 坤申 三月 壬亥 四月 辛戌



五月 乾亥 六月 甲寅 七月 癸丑 八月 艮寅  
九月 丙巳 十月 乙辰 十月 癸巳 十月 庚申  
月德

正月 五月 九月 丙巳

二月 六月 十月 甲寅

三月 七月 十月 壬亥

四月 八月 十二月 庚申

日德

甲巳 寅 乙庚 申 丙辛 戌 戊癸 巳 丁壬 亥

支德

子日起巳順行十二支

四德入傳皆能轉禍為福日德尤甚

合

干合

甲己為中正合 乙庚為仁義合

丙辛為威制合 丁壬為滯泆合

戊癸為無情合

支合

子丑合 寅亥合 卯戌合 辰酉合 午未合

巳申合



三合  
 寅午戌火合 申子辰水合 巳酉丑金合  
 亥卯未木合  
 三者之合以干合為主支合次之三合又次之必與德祿喜神並臨乃吉若乘凶神與凶合則反凶矣寅亥為破合巳申為刑合主謀事合而不合成而不成若得貴人青龍德祿之神助之仍主成就若三合入傳而缺一神是名折腰必待缺神值日乃成若缺一神而日辰偶合之是名湊合主有意外和合之事

刑

干刑  
 甲刑申 乙刑酉 丙刑亥 丁刑子 戊刑寅  
 己刑卯 庚刑巳 辛刑午 壬刑戌 癸刑亥  
 支刑  
 子刑卯 卯刑子 寅刑巳 巳刑申 申刑寅  
 丑刑戌 戌刑未 未刑丑 辰午酉亥自刑  
 刑者傷殘也入傳臨日必主傷殘干刑應在外速支刑應在內遲其自刑者主自敗

衝



子午衝 丑未衝 寅申衝 卯酉衝 辰戌衝  
巳亥衝

凡衝皆主移動歲月日干支皆不宜衝衝歲歲中  
不定衝日月中不定

凡吉神不宜衝衝則不吉凶神宜衝衝則不凶

破

午卯破 辰丑破 酉子破 戌未破 亥寅破  
申巳破

凡破入傳臨日惟宜散凶事不宜成吉事若年命  
見破主有損傷又四孟見酉四仲見巳四季見丑

名破碎煞

害

酉戌害 申亥害 未子害 午丑害 巳寅害  
辰卯害

凡害入傳臨日事有隔礙守舊則吉

長生

甲日亥 乙日午 丙戌日寅 丁巳日酉  
庚日巳 辛日子 壬日申 癸日卯

凡遇長生諸事大吉

又有五行長生火生於寅金生於巳木生於亥水



主 土生於申然六壬以日干爲重宐以十干長生爲

墓

未爲甲癸之墓 戌爲丙戊乙之墓

丑爲庚丁己之墓 辰爲壬辛之墓

凡墓入傳臨日主凡事壅蔽不通逢衝則吉逢合則凶若年命上神能制之則可解救

天盤日之墓神加地盤日之長生主舊事再發長生乘墓主新事廢

又有五行之墓水墓於辰木墓於午火墓於戌土

墓於辰金墓於寅然六壬以日干爲重宐以十干之墓爲主

祿

甲祿在寅 乙祿在卯 丙戊祿在巳 丁己祿

在午 庚祿在申 辛祿在酉 壬祿在亥 癸

祿在子

主食祿之事有官人占宜祿神生旺不宜空亡

大德

春午 夏辰 秋子 冬寅

諸占俱吉



大煞

正月 五月 九月 午

二月 六月 十月 卯

三月 七月 十一月 子

四月 八月 十二月 酉

吉凶俱速

生氣

正月起子順行十二辰

死氣

正月起午逆行十二辰

驛馬

申子辰在寅 寅午戌在申 巳酉丑在亥

卯亥未在巳

馬主行動但利男子不利婦人最宜生旺如逢空

落空勞而無功

天馬

正月 七月 午 二月 八月 申

三月 九月 戌 四月 十月 子

五月 十一月 寅 六月 十二月 辰

天馬主動象主有朝命加大煞尤速若克日主有



失脫

乃以歲月節候徵克應之期

初傳起大歲者吉凶應在本年之內起月建者應在本月之內起月將者應在月將值事日之內起四立者應在一時之內起二十四氣者應在本氣之內起旬首者應在本旬之內起七十二候者應在本候之內起本日干支者應在本日起所占之時者應在當時如歲月節候均不見發用即以本日支辰推之如丑日寅爲初傳應在第二日卯爲初傳應在第四日出四位則不取矣又或以今日所生爲吉期所忌爲

凶期或以初傳所合爲成期末傳所衝爲散期又或以初傳之墓絕爲應期

游藝錄三



卷之三  
推年篇  
凡推年視人生所直年月日時之幹枝而立四柱  
古說年為根月為苗日為華時為實又說年為先祖  
月為父母日為己身時為子孫  
以年遁月  
甲己年始丙寅  
乙庚年始戊寅  
丙辛年始庚寅  
丁壬年始壬寅  
戊癸年始甲寅

推行年篇

游藝錄四

德清俞樾

凡推年視人生所直年月日時之幹枝而立四柱

古說年為根月為苗日為華時為實又說年為先祖  
月為父母日為己身時為子孫

以年遁月

甲己年始丙寅

乙庚年始戊寅

丙辛年始庚寅

丁壬年始壬寅

戊癸年始甲寅



以日遁時

甲己日始甲子

乙庚日始丙子

丙辛日始戊子

丁壬日始庚子

戊癸日始壬子

是故月以年為本時以日為主

如本木而得卯月乘之主金而得酉時乘之謂之本  
主乘王氣如本水而得甲申丙子壬戌癸亥月納音  
皆屬水主火而得丙寅戊午甲辰乙巳時納音皆屬

火謂之本主遷家如本主木而得癸未月時本主火  
而得甲戌月時本主土而得丙辰月時本主金而得  
乙丑月時本主水而得壬辰月時謂之本主持印四  
位如此而又吉神往來凶煞回避謂之本主得位凡  
本勝於主者多得先人之蔭主勝於本者當由自立  
本主兩強富貴兩全  
乃以榦枝定三元榦為天元枝為地元枝中所藏為人  
元

十二支中所藏

正月建寅

己土七日 丙火五日  
甲木十八日



二月建卯	乙木十八日	甲木九日
三月建辰	戊土十八日	乙木九日
四月建巳	丙火十八日	戊土七日
五月建午	庚金十八日	丙火九日
六月建未	丁火十八日	乙木五日
七月建申	庚金十七日	己土七日
八月建酉	辛金二十日	庚金七日
九月建戌	丁火十八日	辛金七日
十月建亥	壬水十八日	甲木五日
十一月建子	癸水十八日	壬水五日

十二月建丑

己土十八日  
辛金五日

癸水七日

論人元者諸書各異此從三命通會所列蓋玉井

五說也

乃以日幹與年幹月幹時幹及枝中所藏之幹觀其為  
 生為克為比陽見陰陰見陽則為正陽見陽陰見陰則  
 為偏生我者為正印偏印克我者為正官偏官我克者  
 為正財偏財我生者為傷官食神與我比者為比肩為  
 劫財敗財偏官亦曰七殺偏印亦曰倒食又曰梟神

五陽幹

甲 丙 戊 庚 壬



比肩 甲 丙 戊 庚 壬

敗財 乙 丁 己 辛 癸

食神 丙 戊 庚 壬 甲

傷官 丁 己 辛 癸 乙

偏財 戊 庚 壬 甲 丙

正財 己 辛 癸 乙 丁

偏官 庚 壬 甲 丙 戊

正官 辛 癸 乙 丁 己

偏印 壬 甲 丙 戊 庚

正印 癸 乙 丁 己 辛

癸未十日

五陰榦

乙 丁 己 辛 癸

比肩 乙 丁 己 辛 癸

傷官 丙 戊 庚 壬 甲

食神 丁 己 辛 癸 乙

正財 戊 庚 壬 甲 丙

偏財 己 辛 癸 乙 丁

正官 庚 壬 甲 丙 戊

偏官 辛 癸 乙 丁 己

正印 壬 甲 丙 戊 庚



偏印 癸 乙 丁 己 辛

劫財 甲 丙 戊 庚 壬

乃以男女陰陽就所生月日而起大運陽男陰女則從生日順數至後陰男陽女則從生日逆數至前皆遇節而止三日為一歲以知大運之所起十年而一易

陽男陰女

陽男者陽年所生之男陰女者陰年所生之女假如甲子年丙寅月初一日立春後一日生男順數至二月節驚蟄得三十日是為十歲起運從丙寅順行始丁卯又如乙丑年戊寅月初一日立春十八日生女

順數至二月節驚蟄得十二日是為四歲起運從戊寅順行始己卯

陰男陽女

陰男者陰年所生之男陽女者陽年所生之女假如乙丑年戊寅月初一日立春後十五日生男逆數至立春節得十五日是為五歲起運從戊寅逆行始丁丑又如甲子年丙寅月初一日立春後十日生女逆數至立春節得九日是為三歲起運從丙寅逆行始乙丑

凡起運有零有借假如陽命正月初一日丑時正一



刻生至初四日丑時正一刻立春節乃足一歲若春在寅時則多一時乃零一旬若春在子時則少一時乃借一旬

又三日爲一歲亦大較言之假如甲子陽男十二月二十四日巳時生是月也二十九日申時立春自二十四日巳時至二十五日巳時方是一日至二十九日申時止得五日三時乃一歲奇九月之大運必自十二月生日後實歷二十有一月運方移宮是越三歲九月之內方是甲子十二月生行一歲奇九月之大運若不得其實歷之數率以爲二歲起運則失之

矣

乃求命宮以定吉凶

凡欲求命宮先從子上起正月逆行十二辰

申 五月 酉 四月 戌 三月 亥 二月

未 六月 子 正月

午 七月 丑 十二月

巳 八月 辰 九月 卯 十月 寅 十一月

乃將所生之時加於所生之月順行十二位逢卯卽命宮假令甲子年三月酉時生如前圖則卯在辰上仍隨甲子年起甲年正月丙寅則辰上之榦戊也卽



以戊辰爲命宮

四柱之外佐以胎元

胎元者受胎之月也生月幹前一位枝前三位卽是  
如己巳月生則胎元在庚申壬午月生則胎元在癸  
酉

大運之外參以小運

男一歲起丙寅順行十一歲丙子二十一歲丙戌女  
一歲起壬申逆行十一歲壬戌二十一歲壬子俱周  
而復始

游藝錄四

紫微斗數篇

游藝錄五

德清俞樾

凡以紫微斗數推人年命先安命宮次安身宮

假如二月辰時生人二月建卯卽於卯宮起子時逆  
數至辰時在亥宮爲命宮順數至辰時在未宮爲身  
宮

有身命同一宮者如子時生人從月建起子時身命  
同宮又如午時生人從月建順逆數至午時皆在一  
宮亦身命同宮

乃逆行而布十二宮

十二宮者一命宮二兄弟宮三夫妻宮四子息宮五



財帛宮六疾厄宮七遷移宮八奴僕宮九官祿宮十  
田宅宮十一福德宮十二父母宮視命宮所在而逆  
布之如命立子宮則亥為兄弟宮戌為夫妻宮命立  
丑宮則子為兄弟宮亥為夫妻宮餘視此

有對衝之宮有合照之宮

十二宮對衝

子午 丑未 寅申 卯酉 辰戌 巳亥

十二宮三合

寅午戌 巳酉丑 申子辰 亥卯未

如命立子宮則午為對申辰為合照如命立午宮則子

為對寅戌為合照視此

乃以遁甲納音而定五局

遁甲

甲己年始丙寅 乙庚年始戊寅

丙辛年始庚寅 丁壬年始壬寅

戊癸年始甲寅

納音

甲子乙丑金 丙寅丁卯火 戊辰巳巳木

庚午辛未土 壬申癸酉金 甲戌乙亥火

丙子丁丑水 戊寅己卯土 庚辰辛巳金



壬午癸未木	甲申乙酉水	丙戌丁亥土
戊子己丑火	庚寅辛卯木	壬辰癸巳水
甲午乙未金	丙申丁酉火	戊戌己亥木
庚子辛丑土	壬寅癸卯金	甲辰乙巳火
丙午丁未水	戊申己酉土	庚戌辛亥金
壬子癸丑木	甲寅乙卯水	丙辰丁巳土
戊午己未火	庚申辛酉木	壬戌癸亥水

五局

金四局	木三局	水二局	火六局	土五局
-----	-----	-----	-----	-----

其法皆從寅宮起如甲己生人命立辰宮則自寅宮

起丙寅順數至辰宮為戊辰納音屬木是為木三局  
 如乙庚生人命立丑宮則自寅宮起戊寅順數至丑  
 宮為己丑納音屬火是為火六局  
 乃列南斗北斗及吉凶諸星之名物

北斗正星

紫微	貪狼	巨門	祿存	文曲	廉貞
----	----	----	----	----	----

武曲	破軍
----	----

助星

左輔	右弼	擎羊	陀羅
----	----	----	----

南斗正星



天府 天機 天相 天梁 天同 七殺  
文昌

助星

天魁 天鉞 火星 鈴星

諸吉星

太陽 太陰 天馬 化祿 化權 化科

天喜 天才 天壽 台輔 封誥 恩光

天貴 天官 天福 三台 八座 龍池

鳳閣

諸凶星

天殤 天使 地空 地劫 天刑 天姚

化忌 天虛 天哭 孤辰 寡宿 劫殺

華蓋 空亡

而於五局中求所生之日日在何宮即於是宮安紫微  
星於其斜對之宮安天府星

今先以一月三十日依金木水火土五局立表如左

金 木 水 火 土

初一 亥 辰 丑 酉 午

初二 辰 丑 寅 午 亥

初三 丑 寅 寅 亥 辰



初四	寅	巳	卯	辰	丑
初五	子	寅	卯	丑	寅
初六	巳	卯	辰	寅	未
初七	寅	午	辰	戌	子
初八	卯	卯	巳	未	巳
初九	丑	辰	巳	子	寅
初十	午	未	午	巳	卯
十一	卯	辰	午	寅	申
十二	辰	巳	未	卯	丑
十三	寅	申	未	亥	午

十四	未	巳	申	申	卯
十五	辰	午	申	丑	辰
十六	巳	酉	酉	午	酉
十七	卯	午	酉	卯	寅
十八	申	未	戌	辰	未
十九	巳	戌	戌	子	辰
二十	亥	未	亥	酉	巳
廿一	辰	申	亥	寅	戌
廿二	酉	亥	子	未	卯
廿三	午	申	子	辰	申



廿四	未	酉	丑	巳	巳
廿五	巳	子	丑	丑	午
廿六	戌	酉	寅	戌	亥
廿七	未	戌	寅	卯	辰
廿八	申	丑	卯	申	酉
廿九	午	戌	卯	巳	午
三十	午	亥	辰	午	未

假如正月初三日生人命屬金局初三日金局在丑宮即於丑宮安紫微星其斜對卯宮安天府星又如初六日生人命屬木局初六日木局在卯宮即於卯

宮安紫微星其斜對丑宮安天府星推之子與辰對亥與巳對戌與午對酉與未對亦如之惟生日在寅申二宮則紫微天府同宮

乃依紫微天府而布南斗北斗之星

如紫微在寅宮則逆行丑宮安天機隔子宮一位亥宮安太陽戌宮安武曲酉宮安天同又隔申未二位至午宮安廉貞

如天府在寅宮則順行卯宮安太陰辰宮安貪狼巳宮安巨門午宮安天相未宮安天梁申宮安七殺隔酉戌亥三位至子宮安破軍



其次弟而布者為左輔右弼

於辰宮起正月順數至本人生月安左輔星於戌宮

起正月順數至本人生月安右弼星

為文昌文曲

於辰宮起子時順數至本人生時安文曲星於戌宮

起子時順數至本人生時安文昌星

為地劫地空

於亥宮起子時順數至本人生時安地劫星逆數至

本人生時安地空星

為化祿化權化科化忌

甲年生人

廉貞下祿 破軍下權 武曲下科 太陽下忌

乙年生人

天機下祿 天梁下權 紫微下科 太陰下忌

丙年生人

天同下祿 天機下權 文昌下科 廉貞下忌

丁年生人

太陰下祿 天同下權 天機下科 巨門下忌

戊年生人

貪狼下祿 太陰下權 右弼下科 天機下忌



己年生人

武曲下祿 貪狼下權 天梁下科 文曲下忌

庚年生人

太陽下祿 武曲下權 太陰下科 文曲下忌

辛年生人

巨門下祿 太陽下權 文曲下科 文昌下忌

壬年生人

天梁下祿 紫微下權 左輔下科 武曲下忌

癸年生人

破軍下祿 巨門下權 太陰下科 貪狼下忌

為天殤天使

以命宮為主假如命立寅宮後六位酉宮安天殤星前六位未宮安天使星餘視此

為天魁天鈿

此即六壬所謂貴人也以生年十幹為主甲戌生人丑魁未鈿乙己生人子魁申鈿丙丁生人亥魁酉鈿壬癸生人卯魁巳鈿庚辛生人午魁寅鈿

為祿存羊陀

祿存者祿神也為養命之原恐物奪之故前後必有殺星護之羊即擎羊亦曰羊刃陀即陀羅其法以生



年爲主甲祿在寅乙祿在卯丙戊祿在巳丁己祿在午庚祿在申辛祿在酉壬祿在亥癸祿在子祿前一位爲羊刃祿後一位爲陀羅如祿在寅則以卯爲羊刃丑爲陀羅餘視此

爲火星鈴星

以生年十二支爲主申子辰年寅宮起子時寅午戌年丑宮起子時亥卯未年酉宮起子時巳酉丑年戌宮起子時皆順數至本人生時而安火星申子辰年戌宮起子時寅午戌年卯宮起子時亥卯未年戌宮起子時巳酉丑年卯宮起子時皆順數至本人生時

而安鈴星假如甲申年丑時生人則卯宮火亥宮鈴餘視此

爲天馬

以生年十二支爲主申子辰年馬在寅宮寅午戌年馬在申宮亥卯未年馬在巳宮巳酉丑年馬在亥宮爲紅鸞天喜

從卯宮起子逆數至生年之支安紅鸞星其對宮安天喜星如乙丑年生人寅宮紅鸞申宮天喜餘視此爲天姚天刑

於丑宮起正月順數至本人生月安天姚星於酉宮



起正月順數至本人生月安天刑星如二月生人自  
丑數至寅即姚自酉數至戌即刑餘視此

爲三台八座

以左輔右弼爲主於左輔所在之宮起初一順數至  
本人生日爲三台星於右弼所在之宮起初一順數  
至本人生日爲八座星

爲龍池鳳閣

以辰戌二宮爲主從辰宮起子順數至生年之支即  
爲龍池從戌宮起子逆數至生年之支即爲鳳閣如  
乙丑生人已龍池西鳳閣餘視此

爲天才天壽

從命宮起子順數至生年之支即安天才從身宮起  
子順數至生年之支即安天壽

爲台輔封誥

以文曲爲主視文曲星所在之宮前三位安台輔後  
三位安封誥如文曲在子則寅台輔戌封誥餘視此

爲恩光天貴

於文昌所在之宮起初一順數至本人生日又退後  
一位安恩光於文曲所在之宮起初一順數至本人  
生日又退後一位安天貴



爲天官天福

皆貴人星也以生年之幹爲主甲年生人未官酉福  
乙年生人辰官申福丙年生人已官子福丁年生人  
寅官亥福戊年生人卯官卯福巳年生人辛官寅福  
庚年生人亥官午福辛年生人酉官巳福壬年生人  
戌官午福癸年生人午官巳福

爲天哭天虛

從午宮起子逆行至生年之支安天哭順行至生年  
之支安天虛  
爲空亡

卽所謂旬空也甲子旬中戌亥空甲戌旬中申酉空  
甲申旬中午未空甲午旬中辰巳空甲辰旬中寅卯  
空甲寅旬中子丑空在陽宮爲空星在陰宮爲亡星  
假如人生於甲子至癸酉十年內則戌亥二宮空生  
於甲戌至癸未十年內則申酉二宮空餘視此  
又有截路空亡之說甲己之歲申酉空乙庚之歲午  
未空丙辛之歲辰巳空丁壬之歲寅卯空戊癸之歲  
子丑空亦以生年爲主其說又有正空旁空如甲生  
人申正空酉旁空己生人酉正空申旁空  
爲孤辰寡宿



以生年之支為主寅卯辰年生巳孤丑寡巳午未年  
生申孤辰寡申酉戌年生亥孤未寡亥子丑年生寅  
孤戌寡

爲劫殺

此星惟在寅申巳亥四宮申子辰年生巳亥卯未  
年生在申寅午戌年生在亥巳酉丑年生在寅

爲華蓋

此星惟在辰戌丑未四宮申子辰年生在辰巳酉丑  
年生在丑亥卯未年生在未寅午戌年生在戌  
又有桃花之殺

桃花之殺惟在子午卯酉四宮寅午戌年生在卯申  
子辰年生在酉亥卯未年生在子巳酉丑年生在午

大耗之殺

子年未未年子丑年午午年丑寅年酉酉年寅卯年  
申申年卯辰年亥亥年辰巳年戌戌年巳

破碎之殺

子午卯酉年生在巳寅申巳亥年生在酉辰戌丑未  
年生在丑

又有太歲十二神

一太歲二太陽三喪門四太陰五官符六死符七歲



破八龍德九白虎十福德十一弔客十二病符  
以生年之支爲主不問男女如生於子年卽於子宮  
安太歲生於丑年卽於丑宮安太歲順行十二辰

博士十二神

一博士二力士三青龍四小耗五將軍六奏書七飛  
廉八喜神九病符十大耗十一伏兵十二官符

以祿存宮爲主而分男女如陽男陰女則就祿存所  
在之宮起博士順行如陰男陽女則逆行凡甲丙戊  
庚壬年生人爲陽男陽女乙丁己辛癸年生人爲陰  
男陰女

乃定命主

子貪狼丑巨門寅祿存卯文曲辰廉貞巳武曲  
午破軍未武曲申廉貞酉文曲戌祿存亥巨門

以生年之支爲主如子年生則貪狼爲命主丑年生  
則巨門爲命主

乃定身主

子午火鈴丑未天相寅申天梁卯酉天同巳亥天機  
辰戌文昌

亦以生年之支爲主如子午年生火鈴爲身主丑未  
年生人天相爲身主



乃定大限

以命宮為主而分男女如命立子宮屬金四局即在  
子宮起四歲陽男陰女順行至丑宮為十四歲寅宮  
為廿四歲陰男陽女逆行至亥宮為十四歲戌宮為  
廿四歲皆十年過一宮視其所遇吉凶之星而斷休  
咎

乃定小限

以生年為主寅午戌年生從辰宮起一歲申子辰年  
生從戌宮起一歲亥卯未年生從丑宮起一歲巳酉  
丑年生從未宮起一歲男順行女逆行主一年休咎

乃以五局之生死

凡金木水火土五局各有長生沐浴至胎養十二事  
今以表列之如左

長生	申	亥	寅	申	巳
沐浴	酉	子	卯	酉	午
冠帶	戌	丑	辰	戌	未
臨官	亥	寅	巳	亥	申
帝旺	子	卯	午	子	酉
衰	丑	辰	未	丑	戌



病	寅	巳	申	寅	亥
死	卯	午	酉	卯	子
墓	辰	未	戌	辰	丑
絕	巳	申	亥	巳	寅
胎	午	酉	子	午	卯
養	未	戌	丑	未	辰

與諸星之善惡

紫微屬土乃眾星之樞紐人命之主宰居身命官祿  
 宮吉有相為有用無相為孤君  
 貪狼屬木陽明之星

巨門屬土陰精之星

祿存屬土掌祿之星

文曲屬水科甲之星

廉貞屬火丹元之星

武曲屬金司財之星

破軍屬水天關之星

左輔屬土並帝極宰輔之星

右弼屬水並屬金為斗前司引之星

擎羊並屬金為斗前司引之星  
 陀羅並屬金為斗前司引之星  
 天府屬土為南斗延壽解厄之星有相為有用無相  
 為孤立



天機屬木益壽之星

天相屬水司祿之星

天梁屬土司壽之星

天同屬水益算之星

七殺屬金上將之星

文昌屬金科名之星

天魁並屬火為斗中司科之星

天鏡並屬火為斗中大殺之星

太陽為火之精

太陰為水之精

天馬屬火上界驛馬之星

化祿屬水上界掌福德之星

化權屬水上界掌生殺之星

化科屬水上界掌文之星

天喜上界吉慶之星

天才上界才能之星

天壽即壽星

台輔即臺閣之星

封誥即封章之星

恩光主恩遇



天貴主貴

天官主貴

天福主爵祿

三台主貴

八座主貴

龍池主科甲

鳳閣主科甲

天殤屬火天上虛耗之神

天使屬火天上驛使之神

地空屬火天上空亡之神

地劫屬火天上劫殺之神

天刑屬火孤克之神

天姚屬水淫泆之神

化忌屬水為多事之神

天虛亦名空亡之神

天哭屬金刑克之神

孤辰寡宿並主孤

劫殺暴敗之神

華蓋破耗之神

空亡有旬中空亡有截路空亡



而觀身命所坐之星參之以大限小限

命宮宜福壽之星身宮宜清貴之宿命宮最要身宮

次之如身命坐長生帝旺之鄉又得吉星大小二限

又遇相生之吉地吉星則為富貴之命否則反是

又觀本局之主星

如命屬金局則看武曲屬金在何宮若在生旺之鄉

或在貴人之位與官祿同宮則以吉論若與七殺刑

忌同宮則不吉矣

與正照合照拱照夾照之星而斷吉凶

正照之星對宮是也如子與午丑與未之類合照之

星三合是也如寅午戌巳酉丑之類拱照之星四正  
是也如子午卯酉辰戌丑未之類夾照之星前後是  
也如亥丑夾子子寅夾丑之類正不如拱合不如夾

乾金西北 兌金正西 艮土東北 離火正南

游藝錄五

行九宮之法定其數

一坎宮

二坤宮

三震宮

四巽宮

五宮

六乾宮

七兌宮

八艮宮

九離宮

東宮四西宮四

坎離震兌為東四宮乾坤艮巽為西四宮



命宮宜福壽之星身宮宜清貴之宿命宮最要身宮  
次之如身命坐長生帝旺之鄉又得吉星大小二限  
又遇相生之吉地吉星則為富貴之命否則反是  
又觀本局之主星

游藝錄正  
命局則看武曲屬金在何宮若在生旺之鄉  
或在貴人之位與官祿同宮則以吉論若與七殺刑  
劫敗劫夾壬午寅夾丑之醜五不成財合不成夾  
與最妙做子羊眼酉氣劫丑未之醜夾丑之星前對景  
星三合景出做寅子丑日酉丑之醜財劫劫之星國五

相宅篇

游藝錄六

德清俞樾

凡相宅先定八卦之方位

坎水正北 坤土西南 震木正東 巽木東南

乾金西北 兌金正西 艮土東北 離火正南

乃以太一行九宮之法定其數

一坎宮 二坤宮 三震宮 四巽宮

五寄艮坤宮

六乾宮 七兌宮 八艮宮 九離宮

東宮四西宮四

坎離震巽為東四宮乾坤艮兌為西四宮



乃以人生年所值幹支視上元中元下元而定男女之命宮男始一女始五男五寄坤女五寄艮

甲子	癸酉	壬午	辛卯	庚子	己酉	戊午
男	上元一	中元四	下元七			
女	上元五	中元二	下元八			
乙丑	甲戌	癸未	壬辰	辛丑	庚戌	己未
男	上元九	中元三	下元六			
女	上元六	中元三	下元九			
丙寅	乙亥	甲申	癸巳	壬寅	辛亥	庚申
男	上元八	中元二	下元五			

女	上元七	中元四	下元一			
下卯	丙子	乙酉	甲午	癸卯	壬子	辛酉
男	上元七	中元一	下元四			
女	上元八	中元五	下元二			
戊辰	丁丑	丙戌	乙未	甲辰	癸丑	壬戌
男	上元六	中元九	下元三			
女	上元九	中元六	下元三			
己巳	戊寅	丁亥	丙申	乙巳	甲寅	癸亥
男	上元五	中元八	下元二			
女	上元一	中元七	下元四			



庚午	已卯	戊子	丁酉	丙午	乙卯
男	上元四	中元七	下元一		
女	上元二	中元八	下元五		
辛未	庚辰	已丑	戊戌	丁未	丙辰
男	上元三	中元六	下元九		
女	上元三	中元九	下元六		
壬申	辛巳	庚寅	已亥	戊申	丁巳
男	上元二	中元五	下元八		
女	上元四	中元一	下元七		
如上元甲子歲男屬坎一宮女屬中五宮寄艮八宮					

中元則男巽四女坤二下元則男兌七女艮八餘視  
 此國朝康熙二十三年上元甲子乾隆九年  
 中元甲子嘉慶九年下元甲子今同治三年又爲上元甲  
 子  
 年命與居宅各有所宜東命宜東宅西命宜西宅  
 如命宮屬坎一震三巽四離九者宜居東四宮之宅  
 命宮屬坤二乾六兌七艮八者宜居西四宮之宅  
 凡吉凶之別有八曰生氣曰福德皆大吉曰天醫曰歸  
 魂皆次吉曰絕命曰五鬼皆大凶曰絕體曰遊魂皆次  
 凶



凶生氣

一四四 命曰正氣者大凶曰無氣曰致勝者  
 八吉三九 命曰主氣曰無氣者大吉曰天者曰  
 命六七 命曰主氣者大吉曰天者曰  
 命八二 命曰主氣者大吉曰天者曰  
 命三與四 命曰主氣者大吉曰天者曰  
 命福德 亦曰延年  
 命一九 命曰主氣者大吉曰天者曰  
 命四三 命曰主氣者大吉曰天者曰  
 命六二 命曰主氣者大吉曰天者曰  
 命七八 命曰主氣者大吉曰天者曰

天醫

六八 八六  
 三一 一三  
 七二 二七  
 四九 九四  
 歸魂 亦曰復位  
 一一 六六  
 二二 七七  
 三三 八八  
 四四 九九



絕命

一二 二六

三七 七三

四八 八四

六九 九六

五鬼

一八 八一

二四 四二

三六 六三

七九 九七

絕體 亦曰禍害

蘇一七 七一 只出命西不河東 離命東不河

東三二 二二三 西命宜風西 每五持不合本命

門九八 八九 其表 西命之兒 宜安 於父 母

六四 四六

游魂

一六 六六一 明宜 其門 西命 宜安 於父 母

一三八 八三 三 離命 宜安 於父 母

宮七四 四七 之字 亦然 離命 宜安 於父 母

九二 二九 而 離命 宜安 於父 母



如命屬坎一宮而居巽四宮之宅爲生氣命屬巽四宮而居坎一宮之宅亦然餘視此若命宅同宮如一六六之類則爲歸魂

故人與宅不相得則宜改其門

凡大門宜在本命之四吉方不可在四凶方後門亦

然六四 四六

門不可改則宜改其房

東命宜居東房西命宜居西房或正房不合本命則就傍屋居之雖兄也命西不可東雖弟也命東不可西

房不可改則宜移其牀

安牀之法宜在本命之吉方雖丈尺之間吉凶繫焉

故有稚子夜啼者當審其爲東命西命東命之兒宜

安牀於父母寢息之東西命之兒宜安牀於父母寢

息之西自獲安吉

凡置竈立神位置確磨下及溷廁毋失其方

竈宜本命之四凶方以鎮其凶而火門又宜向本命

四吉方凡百口之家宜設東西二火門之竈使東命

西命各食所宜

神位者或祀先奉神皆宜在吉方



雄磨宜在凶方溷廁亦然在本命之凶方可以鎮壓

凶神谷倉世宜之宅亦然餘視此若命宅同官如

有夫婦然後有家室男女之命必相得也東男母娶西

女東女母嫁西男凶女以變其凶而火門又宜向本命

凡男命在東四宮者勿娶西四宮之女在西四宮者勿

娶東四宮之女與相宅同雖朋友僕妾及子孫賢愚

皆可依此求之

凡命在東四宮者勿娶西四宮之女在西四宮者勿娶東四宮之女與相宅同雖朋友僕妾及子孫賢愚皆可依此求之

游藝錄六去宜查本命之吉亦與女凡之龍首與龍尾

不可河也順宜錄其根



